


牧隱集

七卷五之

詩




漢書門			
二	一	七	五
三	一	九	九
冊	架	函	號類

庫文閣內			
三	二		漢
八	一		書
函	五		
二	二		
三	九		
架	冊	號	類

內閣文庫			
番號	漢	11059	
冊數	23( 9 )		
函號	318	160	

卷二十三



牧隱詩彙卷之五


早春寄呈伯文

草色青二柳色黃尋春日二祗顛狂丁寧莫遣花開  
盡花欲開時興寂長

夏日即事

退食多幽興披囊閱舊詩蟻行當檻樹鶯語近窓枝  
簷日天低處墻雲雨過時非閑傲斯世自是厭仕離  
雨中

出直銀臺信馬回幽居獨坐絕人來雨深病葉時二  
落春去餘花續二開閉戶讀書殊適意渾家食祿愧



非才南方旱甚方行禱天意蒼茫信大哉

望雨

公餘甘獨居幽事可怡悅山雨分不來  
暹者更奇絕崑姿雜濃淡雲樹森成列  
朝馬汗珠流城中方酷熱奉和益齋先生詩韵九首

樂軒李侍中在通津山齋金百鎰李松晉  
兩學士偕雲游子卓然往謁路人見者曰  
汝都地勢一日來傾

通津山下聚文星賓主高談萬事輕  
豈料時人能具眼已將地勢指東傾

許文敬珙李判樞尊庇俱以正東事出慶尚

道共訪同年秀才朴於宜春田舍各留詩

一篇

登科一去卧雲邊槿作藩籬竹作椽  
不是題詩留壁上誰知廊廟有同年

洪南陽奎聞妙蓮無畏國師善吹笛自袖中  
琴入方丈請之師為作數弄

國師誰道笛家師見客朝來始一吹  
為報沙弥莫驚恠此中消息不開伊

宋樞相和過華嚴云具僧統於興王寺具欲

觀其弄杖宋幅巾躍馬為之移日  
齷齪誰如此老奇傷心暮雪與朝絲  
一生豪氣難截  
得逢著高僧為作嬉

寶蓋山地藏寺

游山如啖蔗寂愛入佳境雲望共無心  
溪行獨携影  
鐘魚林磴空殿宇松杉冷甚欲辨青纏  
臨風更三省

過金二相青岩莊二首

山暗欲來雨江明初捲烟野莊猶昨日  
人意自茫然  
明月愁聞笛青山懶上樓草深江路永  
誰繼昔人游  
雪後寄林掾名傑江南人

西湖鏡淨倒青山和靖梅花照水寒  
應對鵲峯三上月想看疎影問平安

後儒仙歌二松翁次韵

憐公齟齬推我腸愛公倜儻令我狂  
才高萬古擅詩場况復乃我丈人行  
以文為戲醉為鄉不肯耐熱寧  
蹶張毀譽過耳真如蟾孤雲度海船  
如旆草檄傑語鳴於唐昌黎岷奇藉  
浸僵騎龍一去今千霜雲孫繼踵  
出東方對第一登天子堂高才驚  
倒狀元郎歸來農隱視山陽元龍  
豪氣誰能量長嘯不知人在傍至  
味不思傾蔗漿至音不願尋空桑  
但欲起公共聊浪

醉倒月榭吟風廊公如有知聞我敢聲長俛仰宇宙  
何洪景

奉和座主陽坡先生北山途中所作

萬仞危峰杳靄間洞中風露鬢毛寒一丘一壑平生  
趣坐對青山興未闌

四面青山屋數間松聲更雜水聲寒老僧不識何心  
者高卧林泉歲月闌

喜怒紛然用舍間賢愚後二費炎寒高人處世忘情  
久軒冕山林一夢闌

有懷朱進士

湍眼青紫貴意氣不相降心欲如影形恒隻莫或双  
相望亦云久復嶺與重江我身非日月何以照子牕  
嗣音豈敢愛魚飛難過瀧歲晚庶自珍無為世故撞  
夜坐心耿二冷焰凝殘缸

次林掾所贈詩韵三首

宦遊志氣自堂堂二歲晚龍鐘滯遠方樂道早能忘勢  
利窮經不復玩詞章驚心萬事双危涕回首中原一  
戰場最是西湖頻入夢梅花憔悴無光

驚二莊嶽關鱣堂善誘青衿納義方策世只應深得  
體鑄人能使斐成章敏公經學無餘蘊和靖詩名獨

檀場知有君家潛德在他年誰為發幽光  
藩籬尚遠敢升堂自揣無才見大方論世深驚孔文  
舉賞賓謬被賀知章靜携孤影衣冠地閑惹虛名翰  
墨場唯有坐忘為樂事時三心鏡更磨光

次金同年前後所寄詩韵

自幸生逢高舜君皇天未欲喪斯文知君蘊玉將求  
價何事歸田便學耘舊夢每思同夜雨新詩屢喜寄  
春雲更須努力三冬學事業終期遠播芬  
憶昔相從處詩壇興醉鄉暝雲山寺古秋露草堂涼  
聯句猶能記傾杯可得忘何時一燈話風雨更同床

樹立脩功少壯年却將華髮好歸田問君何故先歸

去南望時一一悵然

梅花自早菊花遲一種清香各得時宇宙有君天所  
命行藏且莫苦尋思

風騷蕩盡寂無聲沈宋浮華鮑謝清今古詩家誰健  
步履教李杜獨齊名

寄雜林田判官

吾詩安小成而不如惠夷緬愧古作者聊抒心所之  
君詩淡如水微風生淪漪公餘佳山水有句皆清奇  
如何不一寄益愧吾蕪辭

寄巖光圓大禪師

高吟夜雪詞林倒痛飲春風酒  
筵空却被禪心作魔障  
數年跌坐亂山中

待月

待月三木出久立天星繁  
河澤淨如洗萬家寂無喧  
頃更寫銀浪岩谷收餘昏  
清賞愜幽意快哉誰與言

微雨

置身夷惠間誰能辨心迹  
涉獵書五車偃息家四壁  
焚香聞細雨松竹有餘滴  
亦足清我心微吟竟日夕

哀哉行為舍人田野隱之文作

哀哉白髮田舍人青衫飄泊京華塵  
劬勞屏障三十年功不見酬  
今已還當時儕輩皆飛騰  
疇肯推挽且轢凌舍人有子早知名  
家教薰陶學業成慨然憫文  
不得志空謁銓曹恨無地  
匍匐關下三上書同列聞  
之為歎歎天高鶴唳更清遠  
白日不向墻陰轉諸公  
老手作詢治汪庶詐容忘  
孝者華顛訂署上所嗟况  
此陸沉將奈何此詩雖為  
五畊作却為士流悲命薄

薦都元興初名同

都君是我舊知音久闊相逢喜不禁  
已去復來應有意無媒自進豈其心  
塵生范甑一願坐雪擁袁門抱

曉吟亦斗終非飽妻子却勝姑媪走山林

直廬聞李將軍家會客

客子秋饒興將軍晚學吟一樽思共醉万事恨違心  
漏連風傳晝簾虛日轉陰緬懷陶與阮跌宕謝中簪

竹枯歎

竹吾愛之甚竹沐是我屋風露苦應長京華我今獨  
每尚夢中尋琅玕聞佩玉山僧池心通帶雨分一束  
豈忍坐五座右依然舊時綠墻陰土脉密濯三如新浴  
長風吹雲飛秋熟寸云酷謂言如衛公猗三承淇澳  
胡為病消渴却繼相如躅天意杳茫誰能辨吾惑

秋興

秋興方浩然年光忽蹉跎青空行白雲倚樓明月多  
芳樽對佳客擊節揚清歌羽人飛海山鶴背天如波  
遙三顧我笑飄迅淩紫霞呼之恐不來欲去知柰何

觀射

平郊天幕迴射墜敵華楚鳴鏑風生抱張弓月上弦  
穿楊初甚駭沒石更難傳君子仍觀德操心世所賢

奉呈菊野姓方諱彦暉

秋來憶我苦吟詩萬事當前揔不知杖屨屢陪耆舊  
會盃盤要及太平時黃花意遠風霜冷綠野身閑歲



月遲更欲異翁携我去清香趁取未全衰

西原伯鄭公挽詞 諱類

高車駿馬聘長途種德堂前日轉梧臺府振綱初自  
負詩書有力晚相扶十年風雪天涯夢萬古丹青壁  
上圖燕邸少時曾半面欲成挽曲強操觚

八關

峯光全碧踏風烟禮樂脩明更侈前殿上盤龍雲欲  
墜庭中振鷺玉相聯八方壤奠高於嶽一炷爐香降  
白天松道今年多瑞氣侍臣頌重錦華鮮

還宮樂

君王夜自蓮房回梨園弟子爭効才霓裳羽衣振星  
月雲鬢綠鬟成一堆笙簫縹緲鸞鳳音群帝酣宴中  
天寧秦皇漢武多欲心駕空直欲尋蓬萊我皇憂民  
入骨髓幹迴太和邪氣摧但願三萬六千日神公來  
獻流霞杯

聞賊在婆娑府

近聞賊在婆娑府却道今朝邊報來中原十年尚戰  
鼓東國一水纜浮杯自古長城如削鐵况今元帥有  
雄才安危呼吸所深念莫恃憑河更慎哉

聞賊入松山

聞道長城堅，佻鐵長冰滿。江馬蹄折連，屯壁壘可交。  
臂畫角一聲，忽成列賊騎。翩如臨虛，不是邊防才。  
略疎東帛，即土米即金。悔殺行商，化店。

聞金樞副遇害

劍戟交鋒，屢朝廷破膽。初方思築城策，催下點軍書。  
驢馬心猶壯，青蛇識豈虛。腐儒文墨，尔他日定何如。

禹碑將軍來報鐵州戰

乘勝長驅，際橫戈突立。看風腥三躍後，天黑一呼間。  
賈勇逢強敵，褒忠進美官。勉哉當更慎，九鼎重如山。

清江

清江何以敗敵誘，我從之深入。闔氣倍且悶，知者誰。  
相傳走驍將，又道喪全師。天或驕狂虜，駭就滅時。  
時危心更壯，賊之膽初張。小敵驕成悔，先鋒勇莫當。  
成旗翻落日，戰鼓毅高崗。莫說輿尸戒，中軍運籌長。  
國運千年壽，兵機一日張。鼓見星河動，開項虎豹當。  
士心如鐵石，聖壽比陵崗。把筆歌弥壯，剏廷百日常。

獨吟

黃猪躑躅走，雨雪紅巾弄。兵双手裂中原，菽粟如水。  
火越羅蜀錦，無折隨飽食。煖衣保妻子，百年光景如。  
川決風食雪，宿日夜行。向天東自招孽，天東仁壽。

君子國不忍屈人。三台屈山川。璽磚英靈多。風聲鶴  
唳何可忽。况今君臣如一身。百萬同心。二侶鐵小臣  
高吟筆力短。他日賀章當補綴。

高歌

賊勢風吹火方熾。玉石俱焚難自止。獸奔鳥竄野堆  
煤。枕冰席雪。截崔嵬。官軍屯營。隱長城。大將嫖姚。籌  
策精。我聞隋皇。唐帝。勞玉趾。眼前一掃。遼東。平中華。  
人才於斯。盛半塗。卷旆非人情。乃知墨守必得休。史  
不傳。芳誰從。知節制。高歌慘淡。鬼神驚。忽有疾風。宵  
號聲。

又歌

獨吟又高歌。心中血如河。皇天與后地。之死矢靡他。  
外患似冰雪。消之將奈何。春風方將興。白日如飛梭。  
哀。君子心有淚。双滂沱。

又吟

我游中原未三十。壯志功名當芥拾。四方甲兵徹廟  
堂。天子南面垂衣裳。諸郎馳驛走雷急。半夜氍毹風  
雨濕。時。一遇盜甚蒼皇。曠野骸骨秋草黃。深思朝廷  
無引汲。誰復知翼朝。端立雖然。頭上有蒼。三出處。少  
人。須自強。掛冠歸來學深螯。頑雲瘴霧圍如龍。國息

蓬跡鷄鷺行相期鳳鳥鳴朝陽古道雖遠可企及唐  
虞君臣時相揖心中天地自玄黃太平風月無何鄉  
即事

近聞群盜滿中州豈料餘波到此流金甲有光諸將  
集玉觴無味一人憂自是天亡非勅敵須知墨守是  
良籌腐儒緩急真無用準擬春風共獻酬  
天挺人豪李翰林當時工部是知音共推樊澁難多  
作又得郊寒可一吟樓下長天雲浩浩燈前細雨夜  
沉沉此時不向詩閑透村學堂中教子衿

放歌一首

中興功自諸公來雲臺麟閣何崔嵬內閣傳宣賜宴  
數綺羅蘭麝登春臺繁絃急管轟天長肥肉大酒如  
山堆風翻舞衫共飄逸月照歌扇仍徘徊忠肝激裂  
感知已展布雄志兼雄才保全東土活人命中原白  
骨生青苔天子高拱深九重將相睚眦朝綱頽殷鑒  
不遠面相對所以朝二灌宴開酒醒半夜月如畫音  
念樂極悲當來肯念樂極悲當來天上赫二明三台

聞賊入西京

豈謂便如此茫然迷所為到頭須信命閉口莫談時  
戎器積年備將材明主知臨機竟何恃寂寞涕交頤

聞賊駐西京

北風怒號天慘寒賊騎突入松山關逆風上陣我失  
利賊到西京風勢關城中米多屋又密遠來勢必甘  
小安我今乘急可急擊魏賊十萬尚桓二

哀三首

有國有國自 太祖英風凜一映千古典章文明開  
寶圖山河險固並天府邊防網漏來遠鋒腥穢屠殘  
毒豺虎哀一一哭兮心膽苦聲出復吞氣如縷

有母有母在高堂頌垂白髮幾何強卜鄰教孟學祖  
巨織屨隨翟媵軒裳兵戈滿野閭巷空竊負而逃忠

義傷哀二一哭兮聲正長安得逸驥穩如床

有身有身應厚祿文恬武熙佐王國無才草檄化狼  
心有意橫戈包馬董幄中借節不到我主憂臣辱當  
自力哀三三哭兮天地黑廊廟有人同一德

道問

食君之食衣君衣倉卒須教後世希社稷厄教百六  
會干戈交鋒咫尺違飢烏路欲何食斷鴈寒雲無  
所歸老母定應憂更重寸心無胫走庭闈

閱甚又作

長城踢可衝積險劔可平五甍高屋竹迎刃沮遏洋

勢誰能兵君心如烟上熏天天色為變天意憐西京  
城小似狂狴桎梏地豕屯腥膻旌旗翩二照原野奮  
迅志氣真無前風聲振盪靡草木日光慘淡愁雲烟  
九重半夜批下目將軍部領多高遷游魂一吐可四  
散我氣精明忠勇全燕城罅壁立牙齧軍令寂二無  
喧闐双城鐵騎寂輕捷利祿有期何敢怨稽留政恐  
知我謀雪縛元冷誰能先君心洞照萬里外明二白  
日天中懸將軍將軍國司命好謀善斷文武之通權  
赤手搏虎非英賢

我生常樂負身輕淡無累孤鳥入雲飛悠然寄予意

上有日駿親下有老與稚菽水諒足懽俯仰無一事  
山河兵燹中朝四當避地富家樞上驟追風插雙翅  
我家病駑駘緩急安足倚欲求檀溪蹄千金亦不易  
君看彼險途跛牂非所履寸地如青天三嘆貧作崇  
斫樹登城高作棚下臨大同江上冰稻梁羅網困鴻  
鴈風雲南北騰鷗鵬一朝氣合天地小萬里聲哀霜  
雪凝我往彼止何更卜元戎慷慨勢方乘  
却敵多驍將方興誰怨勞風輕旗閃二天遠馬蕭二  
落日忠心壯黃雲殺氣高成功夢卜吉大將是嫖姚  
方家丞馳報官軍得西京喜而志之

一騎西來疾似星  
緣街大叫得西京  
九重半夜天顏動  
頃刻懽呼已滿城

遣悶

天意香難枕  
君心行消息  
禍福如兩輪  
旋轉自無間  
老賊無根株  
吐火眩為幻  
烏合肆貪殘  
飛書語驕慢  
假威恣橫行  
忍飢覓芻豢  
蜂屯有餘螫  
况是彪與虓  
壯夫汝所敵  
嗟及童非罪  
盈天奪魄甘  
寢忘日宴  
罄群就烹竒  
禍發奴鴈官  
軍氣稍振主  
將多益辦  
雪深馬鬣枯  
風急裳結綻  
主恩重丘山  
身輕如一辦  
疊嶂尚崢嶸  
直欲双手鏟  
大呼夜斫營  
斬艾等葭菼  
長江深無底  
突兀倚雲棧  
鴻鵠尚低回  
何況彼斥鷃  
冰長裂汝肌  
石尖磨汝骨  
唐皇回心車  
三嘆鄭公諫  
哀哉彼狂豎  
鎖何足算

聞官軍將赴威從

身帶秦鞵馬帶鞍  
推牛釀酒壓春寒  
勢搖白日初塵  
鉞駿指青天  
欲裂冠社稷有靈知  
鼎重城池雖奮似  
盤安大同江  
上冰將泮洗盡餘腥已不難

又題

佩劍雙龍精  
雕鞍五色毯  
雪明金甲寒  
日落角聲慘  
坐沙少倚樹  
兵權誰捩攬  
手額謝神明  
或曰我勇敢

城外野風腥城中春意淡人來不悉問為是多悲感

聞成從戰不利

縱負張飛勇難師李廣奇由來知節制未見有傾危  
自信連雞關誰知暴虎辭奈何呼吸頃尚不戒與尸  
聞一巨桂軍不却

獨立驚絃外橫戈勢自分然道滄策屹尔慕容軍  
峻路埋春雪荒城覆晚雲寂寥歸騎盡賊壘日將曛

聞賊平有感

至元天子罷兵機朔雪炎天入舜衣造物戲人堪一  
笑春風處一落花飛

長歌

我哭鬼神愁我歌天地清前日哭今日歌叩顙披肝  
呈寸誠上帝照之以白日方寸之地通幽明既非閑  
憂賤累又不是貪榮名憂君憂國憂老親團一  
貫蒼精邊烽日夜照雙關賊騎長驅侵鎬京千村萬  
落烟火空悲風蕭一鳥獸鳴羽書如雨下郡國胥吏  
抹額持短兵官旗蔽日棘城高我士我馬何錚一昔  
收平壤城今所成從營無由飛出鼎中魚不忍盡殲  
緣好生南陽高議萬鈞鼎鐵城奇策千丈坑翻一本  
刺抱忠節去將虎贖自請行金候精悍衆不服馳出



賊肯令人驚安公李公勇無敵麾下騎士皆飛英長  
槍電掣落雲鳥快劍雪飛橫海鯨韓弘與疾素節制  
霜威尚照姑蘇城我王英謀似大祖濟之多士文  
王寧蒼生手額上萬歲令聞隨風傳八紘我願東溟  
作春酒漁獵水陸堆崢嶸綺羅圍春日舒色鐘鼓轟  
天雷振聲稱觴起舞壽諸公何以副之瓊瑤瑛下及  
皇錄靈羊羹然後作頌紀元功列聖德播之朝野歌  
太平

送安侍郎出按慶尚道

春寒端四郊日色登城遲餞席我不與我懶君所知  
豈無囊底錢可辦酒一卮但恐春過半不見花開枝  
相知世固少况復當別離勉保所居位不為君子欺  
他時復相對笑語無愧辭贈處諒如此君當讀吾詩

上巳

上巳春光好中都喜氣催人從曲江醉樂自太常來  
盛事今難繼高士豈易陪踏青隨處是須挽李唐回

又賦

攬轡三經按察行山村海國揔知名如今更比年前  
好為是鄉間畫錦榮  
先生精意可通神代祀頻年作使臣鳳曆絲千萬

載願將餘福丐吾民

雨

一春知幾雨岸幘從衣濕自喜農有事時我憂須及  
花間新水生柳外殘虹立忽得晚晴詩茅簷暝痕集

寄巖光圓公

風月三生磨不盡乾坤萬事笑來空掛冠何日尋公  
去一笑溪山活畫中流出肺腑

寄寒城李同年

暮雲春樹費懷思岸幘江山獨立時乞郡來秋吾欲  
去清香畫戟共論詩

題山水圖

我生繫白駒久已忘青山朝趨與夕直苦之一日閑  
忽驚双眼明雨麓連晴灣淡烟小村迥落日飛雲還  
深林意無極老木勢若頑平吞渺莽外慘入鴻濛間  
書生強模寫兩鬢生詩班幸我絕俗累對山無愧顏  
他年譜此畫莫把吾詩刪

偶書

亂時信局縮亂後多傷悲人情少懽樂物意無妍媸  
灼灼桃李樹花開去年枝依三照人面春風時來吹  
豈知花下人停杯有所思干戈自起滅江河自推移

相看且痛飲信命復奚疑

讀同年司空伯直送李永拓詩改韵因勉李

生云伯直名實

學道須知合看書要積功軒裳非我達蓬華豈吾窮  
世事羊腸路人心馬耳風王良如詭遇誰肯許良工

聞李生誦伯直詩欣然次其韵七首

伯直愛山水恍然知夙因長携貝葉書欲卜曹溪鄰  
端如古明鏡刮剔不存塵詩癖砒不去吐句皆清新  
恠我膠世漆不頂淵明巾因君起遠興盧岳知有人

右遊永興寺李生言伯直學佛書又及其

住持日瑚禪師之賢故云

身世家四壁光陰詩百篇迳幽春草合總淺野雲連  
扣門無俗客行地定飛仙借問年來興如何益浩然  
新構茅齋事清忽聞高詠愜幽情尚驚輦下迷朝  
暮獨向牕間閱晦明曠野片雲風送影小溪流水雨  
添聲拙簪何日尋真隱四面空青共目成

右新構書齋二首

雲暗山中路波明海上城雖然百里遠日是十分清  
破屋少人語空林多鳥聲晚來情更適不信是浮生

右游洪州回至鳩村晚宿

子谷烟霞迷後嶺鳥村風雨暗前山請君莫笑馳名者盡日吟詩也不閑

右新居即事

雪夜讀書燈似月春風洒翰硯生波明經作賦俱無益聽取門前鳳德歌

右贈諸生

勢包天地浩難窮吹去吹來有細風散步高吟衣皴白淺斟低唱帳圍紅林疎豈護孤樓鳥雲暗應迷萬里鴻只合聽琴仍作記九泉那得喚南豐

右詠雪

客裏艱辛搔首吟人間苦楚同心別遙知相送鴻山村垂柳千條愁百結

右次鄭生送李生詩韵

用伯曾勉李生韵自責

迹托絲綸地身無尺寸功讀書將底用貪祿為嫌窮可恃舟無楫由来海有風設官無大小揔是代天工

種菊三首

種菊添我清天工却媚嫉罷雨動以風收雲炙以日搖不自持土脉方未密願借終夕陰令渠生意溢種菊添我幽軒戶微清妍長莖削寒玉嫩葉凝青烟

既晴又欲雨不憂傷尔天天工豈私我物生各自然  
種菊添我逸深期在歲暮霜清秀色明白酒相媚  
落帽自風流誰會悠然趣淵明千載人欲訪恐迷路  
予友李子庸以所書華嚴神略見遺且勸誦

持作詩為戲

吾聞瞿曇學無妄亦無真當時華嚴會千古猶如新  
寶座高幾尺雷鼓驚天人神衆立四面束手歆清塵  
色相雖各異不減如來身所以冠九席外視如君臣  
云何如是我同得一性醇君者孟子言舜子常對陳  
此心不累物聖賢非異倫人惟自盡耳禍福徒諄二

情欲浩如海舉世皆沉淪我方靜一念君亦宜自珍

端午日閱舊書得崔負外小柬有感而作

壯志寧容擇險夷欲將文翰動當時九泉今日應惆  
悵角黍無人為子炊

幽居

寂寞幽居僻林泉興有餘出門山擁馬入室酒浮蛆  
園靜宜扶策牕明快讀書陶然是真隱何必賦歸歟

游松林詩六首

上嶺駐我馬望遠神氣舒兩儀判高下悠然撫堪輿  
超三天際山起伏勢紆餘舊游入双睇歷々如當初

白雲豈欺我歟去翔大虛

下嶺意踟躕悄然低我顏山東地始窄路幽石且頑  
松倒岩崖側泉鳴叢薄間微吟物色動小立神心閑  
幽懷愜獨往興盡吾當還

田莊

謾負平生志不瓦祇今塵土污朝衫古方未試丹砂  
術長柄新携白木鏡草色帶烟青漠漠稻苗針水綠  
織之此間自是幽居興快似長風直掛帆

農夫方有事更喜絕塵紛畦塍青將合陂塘綠見分  
近山頻得雨多稼自如雲卜築將歸老相招意甚勤

途中

不恨幽人偶失期獨遊心事更清奇世情渺之無相  
涉野興悠之祇自知碧柳幾行流水遠青山萬疊夕  
陽遲此間好著王摩詰半偈丹青半偈詩  
清遊不許世人知白水青林到處奇小憩夕陽松下  
石一盞傾盡獨題詩

次韻權郎中園中松詩

先生簪筆立丹墀退食高吟與尔期夜半擁衾風外  
響雨餘扶杖瀾邊姿星霜荏苒誰能畫天地蒼茫我  
有詩踏雪憶尋山下路晚雲千樹忽移斯

次韵廉郎中詩卷四寶

門戶如今孰並雄家傳黃閣有清風郎君莫嘆回溪  
翅鵬擊三千道路通

事過誰知一代雄寂寥黃卷古人風行雲流水無窮  
意獨立乾坤八面通

與鄭清風同賦

午來多至夕晨坐輒忘哺山可青君眼詩應白我驂  
吟我聊自快登陟亦相扶興味誰能識傍人謂大愚  
相復無俗士所適是詩家山興行隨雨溪吟坐畫沙  
一閱天所賦萬事我何嗟芍藥引高興春風凝露華

騰躡癡兒黠躡蛇壯士悲紙鳶風得勢石燕雨乘時  
對酒君能賦歸田我有辭尚緣心磊落更作遣懷詩  
寂喜幽居樂何曾負此翁閑門麾俗客訓字教頑童  
雨港空庭草烟迷新蕨楓詩成更高詠頗覺有神功

蛙夜鳴次鄭清風韵

蛙夜鳴動我憂世情青燈依二鬢復明輪困肝膽何  
時平四壁蛙聲連雨聲高吟偶得鳴蛙行墟虎風生  
海橫宮中聖人吾墻羨白日照耀葵心傾肯綠糊  
口業為耕事業直欲令人驚給我陪我皆管城雕龍  
文苑尋鐘噤妖氛岳瀆埋羶腥神龍正睡誰鞭霆劍

倚青天笑絕纒笑我讀書記姓名枉我鐵騎夜斫營  
快意決死何偷生君不見夫正兒成留孤博讓草不  
花枯紫荊何時天地得再清兩耳不復聞談兵

遣興

肯向昌黎學送窮祇今天爵冠儒官蛙鳴芳草絲  
雨燕蹴飛花細風寂寞沈吟多翫麟紛紛割據紫  
英雄勞身焦思皆黃壤且與八仙游飲中

懷古

古人猶不死千載想風流事過尤明白心同豈謬悠  
雨聲深巷夜燈影小牕秋耿無窮意他年祇自求

絕句

雨氣涼生骨泉聲爽入肝天公用意甚萬事不相干

夏夜吟次鄭清風韻

天公春我厚遺之一段奇清風與明月相逐何曾離  
枯藜對月植短褐臨風披飄飄散酒席晃朗來書帷  
乾坤寂如水我興方遶迤山深龍蛇窟海闊珊瑚枝  
扶桑照烽火恣復勞我思未洗去年血又見今年瘼  
蒼生何罪人事非天時撫劍發長嘆心復笑脫願  
樊中有老鶴自是萬里姿

賀雨行與清風同作



中統至元聖天子四海菽粟如火水有耳不聞寒且  
呼有腹皆愁飽欲死邇來王省多劄徵招得黃中聞  
新市吾君一念上通天年二好雨知時至

雨中與鄭清風述懷三首

逸游如夢寐清坐聽朝暉已分棲蝸角猶驚持虎鬚  
雨床邀客坐泥巷倩人扶我披寧他適清風屢見呼  
密林黃鳥語微雨故人寒暗綠煙生樹殘紅雪落沙  
酒餘宜熟睡兵後動深嗟可笑門前客馳名驥欲華  
浪迄今何似飄三萬里鷗江湖連夢寐冠蓋謝交游  
春去花猶在風來雨乍收軒牕堪避俗相對輒忘憂

與鄭清風同作

大鵬搏扶搖去以六月息我生如鷦鷯一枝布衣極  
少年小東海負笈遊中國杏壇春成陰槐市雨增色  
門迷墻窠高車重路未熟替花曲江頭被酒沉香北  
抖擻早抽身繁華恐填臆文章尚未聞所患富貴逼  
白日照箕穎乾坤向昏黑水泳魚縱鱗林棲鳥接翼  
明瞭讀舊書心使口生棘且復觀我生盡是稽古力

次金月塘所寄詩韵甚知字仲始

月色波光上下連先生自是水中仙世間萬事無如  
靜莫掛雲帆海外天

永想精神月想容乾坤高卧是人龍興雲致雨真閑  
事也任時人說大慵  
栽種成陰在十年婆娑已暎酒樽前結茅相傍如無  
地我二歸乘鎮浦舡  
天下如今定幾家孔明龍卧子陽蛙月塘獨倚三梧  
樹笑殺山河似剖瓜  
乾坤能幾太平時學海迷涯宦路歧縱是此心圓不  
定到頭無過討便宜

有感

周儻尚志氣偃倭敦詩書雖非天下士鄉曲探有餘  
臨變見容促緩步諒虛徐舞陽入秦殿褫氣如遽蔭  
金橫田中草視之猶土苴羊質蒙虎皮自恃驚黔驢  
壯哉荆軻子千載徒歎歎

慈恩寺讀玉龍書有感

四海茫茫共一天群龍起伏勢蜿蜒東趨亘古精神  
聚奉我羅圖億萬年  
中壘當年事校讎高情肯與草玄如翰林學士充閑  
甚奉勅來看地理書

次金月塘立秋所寄詩韻

天教双鷺管詩愁故遣年光迅似流自倚長吟消永

日誰知勝事集高秋寒蟬碧樹無涯興紫鱗香杭不  
外求咫尺阻江如弱水一帆安得辦清遊

扈從白嶽山有作

秘書初出鬼神驚舉世皆疑誰辨明獨斷與天符契  
合群官奉日佩環鳴雲連翠蓋山增秀風透羅衣水  
更清共說龍顏新有喜當年卜洛想周成

卜洛

卜洛武王志成王未必知周召所左右天中拱四夷  
綿綿三十代黃屋東西移聖人貴綱紀天險非所依  
稽古興玉地豈獨豐鎬為但願王化行斯民知所歸

懷古

黑金銷盡鏡生光鵠嶺青松正鬱蒼北去提封連霄  
水東漸聲教入扶桑雲龍風虎天何遠閣鳳臺鸞日  
更長處秦自當深着力佞聞兵馬滿河湟

移御昌華扈從有作

松京興景業撫世半千年理亂誰為地維持自有天  
人才何代乏天錄或家傳太保曾從卜盤庚亦決遷  
雲移仙仗外山列屬車邊向晚鐘聲動僧旌得穩眠  
讀禁殺內旨

聲蘇堂前不忍心一朝推去及飛潛生達堯舜誠難

事更聽漫二扣魚吟

途中望天磨諸山

兩都來往思悠々滿眼奇觀洗百憂馬上雲烟分萬  
疊人間風日過中秋肯思鍊藥來笙鶴却似乘槎近  
斗牛鳳鳥一鳴難再得時看百鳥正歌二

卜築呈李郎中岡三首

禁直多通藉官牆競卜家獨予甘寂寞與子絕紛華  
松影日中薄山光秋後磨那知繫簪紱却似在烟霞  
日二回朝馬時二董役夫家童嗔巧避邑子謝來趨  
霜透淡初蓋冰生壁始塗漸知幽事足野老二提壺

秋杪風初冷雲端日欲昏土功猶未斷露宿更何論  
水遠浮坤軸山高壓海門前峰一登眺萬里五平原

無題

鳥飛天有餘魚行水無際名利甚韁鎖使我難自制  
當時四老人亦墜留侯計幸無貪功心萬事如說禘

早起二首

過溪憐淨淥入谷恻微寒宿霧連平野朝陽在遠岫  
肯嫌頻早起只要縱奇觀山頂更小立天風吹倒冠  
晨行爽肝肺不受塵累靛夜旦鄙吝消方寸冲虛集  
水聲聞更細山心望如濕祗此清甚時爽齋難獨立

新居

舟運花山木簷垂白岳雲葉階隨地勢鑿井起波紋  
窓淺雨頻洒室虛香可焚讀書清我意誰肯為論文

絕句

山寺暝鐘鳴出雲山前僧影帶斜曛依然當日讀書  
處萬壑松風終夜聞

一燈危坐五更闌四句長吟一字難莫道詩工無所  
用却勝鍊藥欲乘鸞

隨山

隨山下絕境榛莽紛相披圓峰淨如洗前後尤委地

中巖數畝地雲氣含清夷顧瞻協予意不疑何用龜  
坡陀可數畝蔭以青松枝跬步身登陟一挹諸峰奇  
相將結茅屋日夕哦新詩

披草

披草卜鄰幽事多驩郎個儻儘無他指李提學星臨姜  
被風露冷天近菟裘霜月磨松陰最好我盤礴山意  
似欲君吟哦茅茨土階翠微裏乘興往來鳴玉珂

愛靜

愛靜深成癖移居始愜心只愁違定省自喜絕追尋  
山淺橫微徑溪清遶翠林君恩今更重遇興即高吟

有感

世人求福不求心眩眼爭誇布地金達磨特來曾理  
病老蕭誰道是知音九年面壁天應老五葉含春雪  
已深畢竟討使人盡是拂雲隨處起叢林

新宮

新宮翠<sub>之</sub>揖朝陽控引三韓面勢強天乍地巖知有  
數筮從龜叶兆無疆氣吞岳瀆王風外影動星辰帝  
座傍世有侯斯當拜訟願令聲教邁虞唐

新居

野泉光可鑑雲谷錦為棚卜築雖堪喜施工愧不能

然靡<sub>之</sub>作帳墻壁紙垂冰樽蟻催酣夢床龜慰懶興

只因求死馬豈是效飢鷹人世今如此孤吟耿曉燈

東堂放榜

金得培韓方信兩萬戶為主司

東都放榜似前聞學士榮華更絕倫玉帶虎符輝白  
日羅花翠蓋動香塵龍駒捻說無留影魚目何從得  
混珠此去儒風應大振一門桃李幾番春

直廬

寒氣侵入徹骨清擁衾終夜紙牕鳴玉堂高處渾忘  
却恰似山齋聽雪聲

壁尚未泥寒十分四圍紙帳凍如雲玉堂學士清無

夢牕外風聲徹夜聞  
暮鼓聲中集文郎司閣下鑰燭搖光周廬寂寒無  
火勅賜上尊間酒香

直廬長歌

凌雲新開雙嶙峋鳳舞龍飛嚴帝宸百千熊羆翼兩  
廂爪牙堅利心甚威茅茨半雜天上星被冷因廬燈  
焰青上尊前夜煖金波寒極永生無柰何月華如雪  
更漏遲忠肝激裂天應知墻陰雲凍屯平徒龜拆手  
足冰糝糊仰頭應羨執戟郎周旋天仗聞天香願予  
珥筆自無為帳暖爐紅酣夢時敢將窮達委天數吾

六爾曹俱等夷

姊妹

姊妹皆親側情懷敢自寬擬供冰上鯉誰弔鏡中鸞  
瑞谷風聲急童城海氣寒太平何日是笑語得團圓

白嶽

鵠嶺仍端小共言天錄真新居勞費等禁衛往來均  
冷飯冰消口輕裘雪滿身精誠有日照安敢鼻酸辛

記打圍

羽林騎士集群豪中使傳宣獻獸宰羶幕平郊催薦  
食積瓦高嶺倒芳醪風聲忽起青絲鞚雲影遙翻白

錦毛每詠騶虞思一發射狼無復詫遭狙

記事

望秩山川迥持盈社稷安齋房清坐易祝冊淨書難  
倒尊來宣醞堆盤盡賜餐夜深吟更好耿之一燈殘

牧隱詩藁卷之五

牧隱詩藁卷之六

晨興

南窓日上照衰顏病骨晨興最怯寒豈有白癡分菽  
麥共譏赤立不衣冠庸材自是文離易高識由來檢  
束難牧隱從前無道力只今踈懶却成頑

煎茶即事

春入溪山畫不如輕雷一夜動潛虛花窰雪色朝冷  
後石銚松聲午睡餘弄月宛然親面見乘風欲問到  
頭蘇鬢絲誰是忘機者淨洗膏中書五車  
曾向空門問四如茶香滿座小窓虛身心衆苦知無



盡齒頰微甘喜尚餘放曠却須尋二仲文章何必擬  
三蘇欲師西伯令安在卜得非熊載後車

哭僧名神蓮

派出曹溪振祖風飄然瓶錫任西東生從二帝三王  
後死向千山萬水中雲影迢迢終變滅鍾聲隱隱在  
空濛白蓮結社慚無分欲製哀詩却不成

雪

小窓清坐思綿綿雪意方酣欲暮天頰上双紅非壯  
歲臘前三白是豐年洒來竹屋聲猶凍點入茶鐺味  
更妍抱膝高吟正牢落孤舟蓑笠轉危然

奉謝韓政堂鄭簽書韓簽書踏月見訪

上黨三豪氣味醇半酣乘興見天真貧居寂寂無燈  
火賴是柴門月色新

復用前韵自詠

風味由來似飲醇世情那得更趨真區區祇有丹心  
在種種難禁白髮新  
道情時或暫還醇盡品非閑太逼真一幅江山相對  
處野梅詩興更清新

有感三首

自古知音在道存紛紛勢利更何論庖丁善解餘游

刃廷尉交情大署門遠岫浮雲橫積翠短簷初日放  
微溫雖然晚食猶求飽清白何曾遺子孫  
少年狂走太平時豈意危途更老衰激烈由腸徒似  
鐵蕭疎双鬢已成絲孔明事業三分國子美平生再  
拜詩甚欲發狂開尺喙却成緘默謾沉思  
登高一望思悠悠物像生涯感百憂我自寡徒山並  
秀世應多偶水分派千年不返唯黃鶴萬里難馴有  
白鷗且向南窓讀周易洗心端坐更何求

可憐哉三首

可憐哉此身矮陋無容儀自觀尚可厭所以共譏  
興俯不中式語言每多違尚企晏子短高風千載希  
可憐哉此身疾病常繞纏呻吟劇刀刮腸胃如膏煎  
艱辛冬夜永寸刻無安眠萬戶睡正熟鼻息方綿  
可憐哉此身所以載道者而為物欲役廝養不如也  
且觀方寸心明之洞夷夏豐蔀不見日湯之度長夜

詠三首

立朝非貪榮去國非潔已三宿乃出晝浩然有歸志  
回首終南山蒼茫杜陵意悠悠千載下氣合無少異  
一飯不忘君誰憐吾老矣  
幼學非文身杜行非圖已枉尺直乃尋君子豈降志

發達雖人情低回或天意酣歌矢我音歲今云暮矣  
理也無物我生而有人已明命方赫然疇能越厥志  
由來得造道端的在誠意努力過此闕天下可平矣  
自詠三首泝流而源自悲其志也千載之  
下必有知音者矣君子遵道而行不能半  
途而廢嗚呼高山可不仰乎景行可不行  
乎聊以誌諸座右

聞琴有感

指法瀕師授心源在自尋五更生夜氣一點見天心  
要妙雖成曲和平詐在琴古音今已矣流水恨沉

相權歌

權夫權夫爾且聽我有苦澁双淚零江河性順似無  
患剝木泛泛如浮萍天晴恬波鏡面淨樂哉利涉類  
誰賴人生舉足蹈禍福平地咫尺焦心靈由來造物  
本仁慈狂風逆浪誰來呈山頽火飛勢莫以忽然一  
靜安且寧徐吟我辭且勿下下岸塵土壘前程山林  
豺虎方生獒

雜詠三首

峇峇十二樓上有双鳳翎時吹紫鸞笙聲影凌青冥  
欲問秘真訣趨忽如飛星三生習氣濁自信難合并

頽然就酣夢騁游天庭

上帝信高居下人空矻瞻天闕阻雲霧閭闔來東南  
乘之欲上征通藉時朝參塵事共填積自嘆方再三  
夢中遇羽客戒以去爾貪爾貪匪珍寶名教是所耽  
人心如水清太虛倒其中雲烟變朝夕日月生西東  
風來波浪作視之何其雄寂然忽一定毫釐無異同  
明窓讀周易香繡搖晴空

有感四首

羲軒世云遠周孔今安歸二帝日正午昭王始衰微  
秦天極昏黑失路迷所歸濂溪導伊洛源遠勢益微

考亭夫子出理學通精微魯齋幸同嗜北庭時發揮  
程朱載道器大斥二氏非尚作句解讀誰復知三希

辨惑

有目別其色勿為朱紫移有舌別其味勿為易牙嗤  
義利若畫一其初在毫釐差之即二里君子其念茲

送申中顯赴榮州仁甫

雪盡江南生早春一麾行色離風塵清香盡戟應多  
暇莫惜題詩寄故人

五十一自詠

一壽藐冠九疇行年五十樂忘憂焚香讀易思無

盡大過後今得免不  
生死彭殤海一漚况今知命更何虞靜中太極生天  
地不必瀾翻辨有無

屢遷自賦

龍巖之比鵠峯前萬戶千門共接連函文曾無屋廬  
子時從孟母學三遷

即事

病骨酸辛又過冬道根猶淺世情濃研朱點易晴窓  
下变化分明六位重

借梅花詩

春來病骨轉辛酸尚怯東風料峭寒清興自知餘少  
許吟成一絕借梅看

夏日漫題三首

時栽井底蛙晚矣雲間鶴丹穴有鳳雛何曾巢阿閣  
麟出作春秋文成致麟至聖人自為麟紛々竟誰是  
雪灑石缸上水懸岩竇中謔誇双脚在誰解踏空濛

秋日即事

初秋氣乍涼餘熱勢難敵畝金煉以純洪爐造化力  
膚汗滴如珠農家喜無極相聚共談歲人情豈知是  
使我給租稅兒女嬉鼓腹帝力歟帝力歌之歧路曲

憶舊游

少之時好游青山白雲處遇勝淡忘歸冥心寂無語  
懷我千載人殫菊啜桂醕高風自罕徒芳躅乃如許  
巖戶本無竒坦途誰云阻

少年場

鬪雞走馬動成群染翰操觚喜弄文茅是亡羊堪冷  
笑寂寥顏巷日將曛

稼亭所畜唐詩中有韋蘇州集見時愛讀之  
後為人借去不還游燕時又得一本於吳宗  
道縣尹東歸而又為人借去今未知在誰氏

也吟成一首

唐詩氣頗短稍止唯蘇州初看似清絕熟讀方優游  
山齋即官府野興雜民憂自戒居處崇操心良空儔  
老我竊國懷抱病歲再周能無頹且泚默坐深自尤

偶題

山林非僻處朝市亦閑居双膝如容得隨時樂有餘  
丙頤堂監主判曹溪宗事英公號古樗所居  
口松月軒於予同庚故人也請題故賦此  
種在乾坤第一春蟠桃海上接芳鄰可憐能白能紅  
者幾向東風洒錦茵

萬樹長松翠影重  
月華初上更無風  
禪窓寂寂涼如水  
樹在秋光一片中

頌袖曾溪大福田  
錦袍錯落照人天  
從容折却華嚴講  
主夜君王席更前

前兩街聰公號無聞所居南嶽

玄陵書以賜之求予題贊謹書三絕

誰山尚走勢聯綿  
突起唯應蔽瘴烟  
欲上鴈回峯頂望  
何人借我草鞋錢

泉水松聲萬壑邊  
秋虫落葉一燈前  
上人自有安心處  
雲下却權床穩眠

南嶽無聞四字聯  
日光星彩絢遙天  
晴攬展閱應多感  
一望蒼梧一悵然

送竹谷僧統歸大華山

竹谷舊相識  
華山深處歸  
世情黃葉下  
野興白雲飛  
絕澗琴無譜  
巖峯鐵作圍  
何當五松下  
相對暫忘機

中秋

少年今夜喜相過  
長笛高樓月似波  
自愧病餘猶健在  
呼兒扶策上山坡  
鬢毛那得似當年  
月向中秋五十圓  
白兔至今猶搗藥  
肯分圭撮救纏綿

兒童燒栗迸金丸細嚼微甘發齒間雋永始知充有味任他羊酪笑酸寒

寂々山扉絕往還月明如畫欲眠難相携幸有同年在陟嶮不知風露寒

韓弘同年

客至何所求詩書淡泊耳充然得者稀庶以慰其志市遠盤盂空白飯光翻匙深嫌無杯酒可以袂詩崇黃花時滿枝寂々霜風起

重九

與客携壺杜紫微風流文彩照當時誰知牧隱登高處只有黃花一兩枝

晨吟

雞鳴朝日生秋氣方最清開牕硯池碧高詠怡我情老妻淙藍服女奴砧杵聲裁縫御冬衣剪刀深夜鳴行當聚奧室共保君子貞

有懷山中蘭若

萬緣俱落爍迦羅一片可知軋栗馱想得伽藍趺坐處須彌月色照婆娑

萬丈懸崖松倒生托根高峻世人驚清風明月共蕭洒老鶴一聲天地清



代友人送日本奉使

萬里孤帆背夕暉  
碧天無際片雲飛  
知君欲補垂衣化  
須取扶桑大壘歸

萬峰為惟一上人題日本人也時奉使其國

纍纍千萬峯  
歷歷天地中  
何處是第一  
笑問扶桑翁  
會當振衣凌絕頂  
俯視浴日波搖紅

羸菴為勝上人題

上人木食草為衣  
身似秋空一葉飛  
賴是曾出兵十萬  
坐降魔衆破重圍

為珠上人題罔徹菴

清淨摩尼珠  
隨方現五色  
回頭望八荒  
但一聲霹靂

為暹上人題騰菴

大狹必難容  
大剛必致折  
且向山林中  
悠々度歲月  
為玗師題徹菴

年來欲草子雲玄  
日向南窓掄類篇  
豈意上人先下手  
標題玉部已流傳

嬰婦歌

蠟代薪猶錦步障  
珊瑚樹高影尋丈  
主人夜歸不就枕  
双手牙籌朝日上  
客來上謁胡躑躅  
不見傾身時  
牖簾誰知牧隱家  
最貧時咬菜根長  
啜粥蓬頭赤脚

耐寒冷掃葉凌霜走山麓

易菴歌

易菴老人求我歌歌不易兮奈吾何一年吟仰見青天高星斗歷々不可雙手摩二年吟俯見東海深精衛影底無窮波三年吟聖人之道大無外向來所見却是蝨房與水渦嗟乎莫知下手處心煩力竭其蹉跎收聲屏氣又數載一旦快馬馳平坡恍然若有得把玩以自多靈臺方寸耳天地萬物昭森羅尊之使我配上帝藝之使我同驢驟分明萬化所根底一有主宰無偏頗應用不竭如懸河精神調暢不知老強而名之安樂窩嗚呼乾道易而已老人以居知無他應憐牧隱眼孔小撲々有似投燈蛾長年燥吟論中和

朴密直夫人挽詞三首名形

少年里巷喜過後山北山南路欲窮夜飲不知香篆盡闔門寂々月明中  
五日分離只謫行相扶到老是真情歸來歲月今無幾忍聽秋風落葉聲  
月在青天來幾時恒娥風露杳難追應憐蹤跡尋無處留得人間桂一枝

全判書敬先挽詞

久矣吾多病惠然誰一來金蘭將再講玉樹忽先摧  
雲薄秋容淡山遙曉色開分離竟如此天地亦悠哉

次安政堂韵奉送安密直歸山名翰

老年田舍幽情熟當日班行物望歸上國早知通桂  
籍高堂晚獨舞萊衣

竹溪月是庭中月華嶽雲連屋上雲共說我公真淑  
世作聞稚子揔能文

溪頭野徑僧頻過松頂雲巢鶴獨歸恰似朝川風景  
好何人解畫拂塵衣

識破身心如迸火由來富貴是浮雲丹崖慎勿噴重  
漉誰向山庭更勤文

入賦二首自歎

短髮漸知飄暮雪新詩漫擬靄春雲平生自信無他  
望餘力猶能學古文

曲學敢辭君子責詭隨甘與小人歸三熏三浴誰相  
引佩却秋蘭製芟衣

有感

李斯出首况豈非儒雅士相秦顯其君道固在於此  
竟起焚坑謀高談之弊耳其心非禽獸異好豈本志

倪二函文間搖唇勿容易一字訓之非流禍明在吏

送西海崔按廉資

繡斧威方凜甘棠訟解紛仁風吹赤子遺愛說嚴君  
松井連紅樹楊村隔白雲但聞清海寇報喜定云云

題霜泉菴

自分山中衲子嘗甘如崖蜜冷如霜夜深嗚咽非無  
意政是人間沸火湯

金思亭夫人李氏挽詞

竹軀今絕響金海舊流芳回首情無極思亭掛夕陽

岩樓

道人今絕學茅屋對青山拾葉晨供爨看經晝破關  
心游萬劫外身老一窻間雲鶴多情思時時共往還

雲游

手出一枝竹脚底九州山流水情相得浮雲影對閑  
猿吟岑寂裏羣度渺冥間且問草鞋債他年還不還

右二首為木菴作

拜八仙宮

石路縈回到上頭八仙宮觀俯神州一來只塞妻孥  
願再拜翻興社稷憂絕頂雲烟初日曙長松風雨坐  
空秋僕夫流汗肩輿穩飲福微酣興未收

記舊作

僻近城南樂有餘祇嫌難在故人車三山渺二曾遊  
處孤柳依二亞相廬雉子最狂筋骨緊老妻多病齒  
牙踈歌傾步履終何患滿地濃陰卧讀書

軀幹堂二九尺餘齊驅駟馬駕高車墻低莫瞰他人  
室道枉須過舊友廬心學更從憂裏熟世緣還向病  
中踈男兒事業都消盡白首徒能讀父書

即事

光陰真過客仁義是恒流用足三冬史詩輕萬戶侯  
呂金懸重購虞壁照窮愁只有篋瓢樂區二老不休

丁巳十月二十日晚康子野見訪欲留之同  
宿而未果也是夜風雨大作呼燈題此當與  
其同年朴子虛李子安同賦云

衰遲吾已甚燿燦子如前佳句世皆誦沉痾誰復憐  
淒涼前燭話寂寞對牀眠想得雞鳴客今宵定惘然  
對普濟影口號

師少我妻子柳瑣我少師金襴袈裟欲識乘除同調  
處春風燕舞與鶯歌

出山相應 教撰進

佛界初增日魔天欲裂時春風隨步起萬物已先知

憶魯郊

上春回吉日殘雪乾嘉壇禮重傾千古心同集百官  
御香來紫闥法服歷玄冠與祭應多福居歆信永觀  
自傷學之未至也求諸日用中吟成二首以  
致其力焉

人心與道心只從動處求性發乃本源欲生即派流  
分明只一水吾今復何憂養成浩然氣天地莫能周  
脉絡却細密慎旃無謬悠

文章出肺腑矯詐徒自欺孔門諸子中賜也稱多辨  
終日如愚者胡為竟省私春風和氣中發榮得其時

雖然魯氏魯千載我所師安心且無躁忠恕一貫之

憶燕都

回首燕都更渺茫黃金臺上又斜陽橋門五百青於  
子誰頌中興比大唐

新來山石白於霜截作新橋海子傍引得龍鱗趨大  
液牙樁錦纜照紅粧

即事

年光袞袞水東流世道人情兩謬悠好句每於三上  
得玄機試向一中求焚香讀易閑相驗弄月吟風老  
不休凍水考亭書法在未知天意定誰優

送王康隨尊公進表

王郎少清瘦，注水且題名。久闊踈驛出，相看病眼驚。  
隨親供子職，奉表賀王正。歸及新春好，家二溢喜情。  
息機

往事細如毛，明二夢中記。操戈欲逐儒，此言殊有理。  
徒室或忘妻，非徒偶語尔。一病今幾年，息機勝藥餌。  
同年歌

狀元牛公永，玉清壁水半面詩。有聲子白白，髮已無  
餘。江西文章獨擅譽，馬郎長身氣頗豪。醉掃松樹干，  
青霄順童短小，最精悍。欲振臺綱立崖岸，當時座上  
八九人。風采俊逸詞清新，文鍾邦傑中興將。事世直  
跨浯溪上，邇來存歿杳難知。時二卧讀題名碑，可憐  
老牧今已衰。陵谷易處何其悲，回看我輩飛蚊耳。畢  
竟河南成底事，眼枯欲漲東溟水。六龍飛出扶桑埃。

進記試院

白袍鶴立棘圍深，禮罷將題字。吟席屋細斟光祿，  
酒興來傾馮十年心。

天日垂光玉署深，仰承題目俯微吟。一聲雷動終篇  
獻，誰識丹墀獨對心。

追記翰林上官

夜闌清露濕朝衣禁宇沉  
暑氣微向闌謝恩香未  
盡獨騎瘦馬月中歸

送李夢遠進表賀年

鼎重山難轉時危勢自分  
淚添東海水夢繞北庭雲  
老馬常思主哀鴻久失群  
朝廷音問絕為我謝諸君  
追記恩榮宴有故不出

涼水由原禮義家感恩簪  
得一枝花小臣頭上渾無  
物坐想瓊林到日斜

即事

避世如逃影忘情似解醒  
病軀閑藥物野意在山亭

小雨僧邊白遙岑鳥外青  
祇今清興味欲詠却難形

即事

宣光洪武二龍飛外國孤  
臣雙淚揮塞北雪深朝覲  
數海南天闊往來稀青山  
是處僧多占明月無枝鷲  
可依卧病老生心獨苦願  
從青史得羈縻

詠史

從來頭上香冥二附耳微  
言却細聽一句便流千載  
臭令人重憶夕陽亭

拙成元在巧之餘太密由  
來却太疎海上鮑魚天下  
臭一封書去送扶蘇



丁巳冬

寸二強弓不易彎行年半百轉辛酸南窓坐擁絢衾  
煖今夜寒於昨夜寒

記舊作

剪來黃葉似金錢止得兒啼最得權誰道阿婆多狡  
獪吾觀此策却天然聖人立政皆因下稚子無知必  
有先者取岩三新氣像只因當日解三遷  
盡說身心共一天判然今日不相聯煖衣飽食初相  
誘冷炙殘杯又可憐回首唐虞時目叫追蹤孔孟欲  
誰傳只因嗜甚翻成病却恨蘭膏祇自煎

齊桓

九合諸侯到一匡當時風采盛衣裳晚在狼狽非關  
仲祇是驕心作不祥

管仲

沖也才奇志又忠贊成齊霸美哉功九臬感愧應難  
措聖業無心似化工

自詠

憂病相仍已七年自憐殘喘尚綿綿  
艾為讀鄒書講浩然

雜詩二首

我道直如矢君子終歲馳萬民所共視步履諒委蛇  
不比九曲坂車摧馬鳴悲鳴悲汗如雨君當永言思  
我道亦云遠千里又萬里長年不出門出門一步是  
一步更無餘不止而已矣乃何今之人却作遠游意  
遠游難為心閨中有棄子

過衿州山下 退記

多少僧房漂渺中讀書今古出英雄莫言瀆洞能容  
物漏網三韓一牧翁

即事

病裏長謠復短詒祇將舒憤豈宜驕膏中一點塵埃

絕頭上雙丸日月跳山似披藍青渺二雪應曳素白  
蕭蕭江南二十四橋夜何處一聲吹洞簫

即事

虎生三日見頭顱天意分明積慶餘索飯啼門情爛  
嚼敲針作釣計迢踈但知梨栗陶潛室必學箕裘戴  
勝書天運悠二一狂酒頽然酣夢送唐諸

雜詠

礪山帶黃河漢誓功臣雖綿二及苗裔國家永無虧  
丹心貫白日森列屐神祇禍萌生易忽事勢工推移  
當朝赫二者問彼何人斯自古諒如此天心誰復知

青天何淡、明月何娟、清風何習、君子何平、  
平之竟安用道在貴自然以人理人百唐虞之所傳  
此意久蕭索崛強時所賢我歌且試聽雋永思烹解  
南里富熏天北里貧到骨時物一以好人情析毫忽  
君子無私親動靜固不吉不伎亦不求悠之送長日  
天爵被靈臺上帝時引逸稽首承天明席暖黔我突

舊游歌

大范之山淨水樓夢山明、記舊游白面久矣玉樹  
悲榮轉在來音信稀當時放浪蓋今古末路分離多  
是非真情劫火洗不灰只今鏡面無塵埃明知九

不可作會得萬里能相陪子期亦厭聽流水生前予  
羨宜街盃大范漁水咫尺耳而此夢想何為哉安得  
一跨垂天翼飄然瞬息游八極俯視當年讀書處拍  
手長謠慰深憶君不見滄海頭烽火甲刃無時休空  
使老翁思舊游石田茅屋蓬蒿秋

短歌行

天地洪爐大無外鑄此一錯何足恠尚緣咎微罰必  
起垂頭無心訴真宰由來毛群欺卧馳擾、不足煩  
搗訶巍然不動如泰山時出膚寸仍滂濫一日天下  
歸其仁荷篲誰和門前歌人生脩短自有數膏中有

氣如懸河欲吐未吐頭上日月如飛梭少壯幾時柰  
老何天有耳乎聞我歌一聲激烈山哮虎兮水吼鼉  
但得天成地又平鼓腹不知帝力加君臣稽首祝堯  
年陽谷昧谷分羲和樂哉琴書送殘生有田幸不求  
桑麻只欠上書乞骸骨此外世味皆消磨

有懷朱同年

久別頻回首相思每愴神骨青三島客業白五臺賓  
石壁烟光古珠宮曉色新從游更何日滿目軟紅塵

南窓

誰云北牖風我愛南牕日天道自循環人情亦因物

梅花三首

小溪清淺是江南月上黃昏欲往參老牧病餘多伎  
倆暗香疎影入清談

梅在溪陰月在南月華梅影淡相參幽人自是如冰  
玉欲較毫釐却費談

清香獨占斗牛南俗子元來不放參曾向燕山叨坐  
面銅駝荆棘豈容談

偶題

正來世道苦難前靜裏焚香檢易篇大極始分心歷  
歷幽居長卧病綿綿虞卿書向窮愁著司馬史從真

腐傳月窟天根徒夢想祇今全未忘蹄筌

青山白雲歌

青山青二白雲外白雲白二青山中霽亭此語又流  
播超越古今諸英雄我初快意讀不輟飄如萬里無  
長風老病如今坐想像往二騁驂游空濛空濛不識  
是真境長松半天朝日紅僧房歷二跨巖谷老鶴一  
聳林壑空扶筇欲上崔嵬巔双手歷井凌蒼穹喟然  
久坐忽成夢二裏却訪談天翁

用前韵

思入虛無太極前焚香細讀白雲篇茶餘小鼎煮

兩歲久破衫多斷綿世上無才宜玉一縮書中有味只  
心傳何時更下浯溪葉欲註武經阿李筌

茶後小詠

小瓶汲泉水破鐺烹露芽耳根頓清淨鼻觀通紫霞  
熾然眼翳消外境無纖瑕舌澀喉下之肌骨正不頗  
靈臺方寸地皎二思無邪何暇及天下君子當正家

自詠

素子愛人非徇私少偏端的受他欺渭涇水合今滄  
浪梅菊花開有早遲旅進廣庭當自慎獨居暗室良  
天知閑邪未必真閑得悔設當年不學詩

有感

北來嗟潦倒已矣効劬勞地僻市朝遠天寒星斗高  
初疑觸鱗角漸似刮龜毛左右逢源處何人為我招

喬祠三首

海中華蓋插青天上  
有宸祠不記年奠罷一杯時  
望扶蘇山色轉蒼然

客游山下寄僧房  
野菓漸肥泉水香  
地主有恩須一報  
臨風灌地三傾觴

海門無際碧天低  
帆影飛來日在西  
山下家三第  
白酒斷葱斫膾欲雞栖

牧丹山二首

二色蒼然望已奇  
山中精舍稱高卑  
僧出自廬山  
亦沾酒相邀醉索詩

長松陰下石為臺  
西望群山大野開  
指點首陽孤竹  
處有誰能辨所由來

細嚼僧窓飯一盃  
盃盃簪談笑送朝晡  
乘間誦過全篇  
語問却諸公箇無

自牧丹山回松都途中三首

覆盆爛熳映山紅  
細嚼甘酸齒舌中  
忽有黑雲携雨  
過十分清快荷天工

急澗如傾渡甚艱身輕無力脚難安相扶賴有金夫  
子過了山膽尚寒

山崖金碧鎖烟霞落日江邊坐畫舫短棹鳥飛明鏡  
裏一龕燈火穩於家自喬祠至此昔記奮遊也

### 狂歌行

少年氣豪膽如斗笑看翻雲與覆雨人言置氷露是  
壺自信臨風玉為樹五侯屏氣趨下風垂鞭直入承  
明宮天顏喜怒在片語士林榮悴閑微衰朝來雷霆  
擊宇內夜半雨露霑區中彌縫有時補天缺退讓不  
復稱巨功狂言謬笑吐不已物議宸衷那復同愆尤

雖豈名亦重史氏秉筆應書忠嗚呼忠矣歌未終歌  
聲直上千蒼穹

### 獨吟

萬里雲初卷中天日獨懸此心無物欲誰肯更希賢

### 見州途中

截然三嶺插青天峻路長氷馬不前落日孤村烟火  
絕箇中情興有誰傳

### 青龍山

青龍山下古招提氷雪斷崖臨野谿端坐南窓讀周  
易鐘聲一動欲雞棲

當日剛強盡冷灰祇今柔弱却雄哉天工未必無私  
意解惜公生靈一杯見州青龍皆記舊遊也

醉中歌

先生有手探月窟先生有足超天關先生自是天帝  
子意態乃與塵凡絕遠尋妙道出羲皇瞠手灑三并  
匪二旁求精義並思軒中庸一篇真足樂有時要駕  
獨超群莊騷班馬如飛蚊先生獨笑齒久冷孔門諸  
子屯如雲雖然陋巷有真樂舉世誰復希清芬吾今  
老矣尚鑿鑿高山仰止矣云二先生且歌醉中歌天  
地浩蕩無偏坡頭上日月如飛梭

獨詠

獨詠乾坤裏群居品彙中天機涵動靜物理具纖洪  
頗信心無主焉知道在躬擊蒙元有術作聖要成功  
周召今誰匹玄黃昔降衷江山愁處颯風月醉來同  
節得夷齊峻功從是爽豈求霜松自秀書劍歲猶窮  
四海無多子三台憶上公調羹殺鼎在入室孔墻空  
抱恨憐衰白追慚踏軟紅葉尖微帶凍穗日轉瞳矓

閑居

代謝何曾一刻停昇沉枉費百年情高堂自昔悲明  
鏡華屋如今棄短檠天上故交音信絕樽前美景曠



歌清老妻稚子閨門冷賦罷閑居愧不平

晨興三首

夜卧骨酸辛展轉苦愁絕深悲肝腎焦火恐皮肉裂  
雞聲忽一叫照壁燈明滅攬衣更危坐旦氣考遺訣  
至道尚渺茫前途判然決

雞鳴心已豁日出窓更明焚香澹無累皎々止水平  
天地共一室上下俱澄清樂我保永貞事帝順吾生  
揖讓唐虞際誰與予自成

撫病與湯藥哀寒促火炭稚童去近年嬰婦出汲澗  
尚喜賓客稀主人亦起晏蒙頭面南窓伏櫪如款段

從茲更何憂吐握有周旦

偶題自笑

國臚里老嫗每引山僧來手持一尺紙請公書此我  
曰此老比丘曰居於五臺金剛與諸山歷々皆崔嵬  
曰側金於此作善消禍胎老夫為秉筆一日能千回  
歡然致謝去庶以震法雷孟氏關楊墨其功配三才  
而今反相助默坐時冷哈祇園焜金碧闕里多莓苔  
傷哉可流涕造物應相猜大厦非一枝誰抱梁棟材

崔大諫携酒見訪名崇謙

火輪飛出上蒼牙錦帳門生載酒過病裏狂懷無處

馮肯辭引滿倒金荷

大諫既去陶然有詠

何須畫錦立高牙祇喜門生屢見過對酒却忘浮世  
事哦詩不讓古人歌年來道味知誰最醉後風情奈  
老何政好殘生樂天命更從月下舞婆娑

遣興

聖道王風恐不揚天時人事轉堪傷太平無像從心  
出滄海橫流可手障謾向春秋許齊晉由來水旱在  
堯湯老妻斗酒能藏得有客朝來飲一觴

記燕京途中

富谷神山境最幽恠禽啼處樹林稠僧牕又在蒼崖  
底香火真堪舉話頭

灤河清駛傍山隅直欲尋源謁上都不是靈槎銀漢  
去順流猶可到方壺

何人見月解相招吟嘯臺邊草木凋莫詫五朝長藥  
老歐陽筆底怒雷號

幽居

老境心無累幽居味更長溪山微媚嫵風雪愈尊在  
早識乾坤大誰爭日月光邇來親藥物漸欲學仙方  
氣火甘中伏心旌恨外揚浩然元自足何必更茫茫

送客記事

貧居頗幽僻客來亦云稀欣然欲話舊真情將發揮  
寒風吹虛廳冰雪耀冠衣忍凍非善策欲去誠知樂  
留之又無酒送之出我畿懷慙旋入室俯首徒歔歔

記聞

北鄙有狂童比跡及太子春秋大義在豈乏經術士  
氷生大東江其下有双鯉尸素時相通訛言自中止  
終當掃無迹不復生疑貳

憶李奉翊東秀

同年同巷久忘形釋褐當年拜稼亭最恨近來無尺

字夜深危坐一燈青

古風三首

流水自不息滔々向何之東方有大海其意乃在茲  
周公師文王豈欺公明儀思三坐待旦禮樂盛一時  
如何千載下尚詠鸚鵡詩乃知君子心遇險如遇夷  
長松參青天問渠生何年山靈從旁對恐是在我前  
我生形既具結根在我肩衆人自榮悴顏色無變遷  
植物亦如此君子當勉旃

麟也不可無出則天下平聖人不在位乃何輒自輕  
振二周南詩變矣迷性情使麟或在藪誰復繼聖經

當令方寸地永絕物欲萌是亦麟之後大德名曰生

即事三首

默。說。二。兩。不。平。投。機。失。會。要。忘。情。魏。徵。媚。嫵。言。終。  
直。裴。度。龍。鍾。事。竟。成。席。煖。風。聲。呼。永。夜。簷。虛。日。影。報。  
新。晴。高。吟。君。子。陽。二。什。消。盡。窮。愁。樂。自。生。

吾。衰。何。恨。喜。時。平。病。裏。興。居。適。野。情。隔。僻。香。來。新。酒。  
熟。揮。毫。字。濕。小。詩。成。相。忌。白。也。江。東。暮。細。履。牧。之。樊。  
園。晴。只。有。十。懷。吟。不。盡。人。間。隨。處。託。吾。生。

事。機。相。激。最。難。平。守。道。任。來。遣。世。情。外。境。悠。心。獨。  
苦。中。宵。秋。二。夢。難。成。月。臨。牕。面。明。如。畫。雨。打。簷。牙。曉。

已晴荷書昔曾聞鬢蒼蒼天何日忘蒼生

詠梅花三首

地。軸。勾。回。一。點。春。明。牕。隙。覺。暗。香。新。風。吹。飛。絮。初。行。  
詐。雪。靡。長。條。竟。亂。真。腸。鐵。誰。知。工。作。賦。眼。花。偏。喜。淨。  
無。塵。詩。家。摹。寫。應。直。載。和。得。西。湖。有。幾。人。

地。寒。相。味。擬。明。春。豈。意。深。冬。冷。藥。新。熟。視。天。工。應。費。  
巧。初。逢。物。色。恐。非。真。娟。二。桂。窟。同。千。里。渺。二。蓬。山。隔。  
幾。塵。只。為。雪。牕。冰。欲。凍。自。將。和。氣。報。騷。人。

羅。浮。山。下。欲。生。春。啼。盡。幽。禽。夢。境。新。自。昔。神。仙。多。跪。  
惟。祗。今。詞。賦。甚。清。真。崢。嶸。孕。秀。渾。無。空。冰。玉。交。輝。不。

動塵越使寄來香未歇黃昏踏月定何人

十二月二十六日庚申是夜見女達旦不睡

歲闌今夜是庚申共說三尸事寂神瞪視莫教過海  
眼天庭咫尺玉皇宸

兒女無知寂可憐猶知頭上有蒼天明三不待三尸

報休把微勞欲蓋愆

貧家寂二携蒲戲甲第紛三瑛瑁筵銷沮閉藏猶可  
怨酣歌恒舞適增愆

無夫心願得安眠禍福都忘却自然獨坐吟成詩  
自墨痕濃淡滿華牋

有感一首

生孔生犁鋤蒼天定何心生孟生感倉視古猶視今  
當時意氣盛君臣如鼓琴寂二千載下誰復聞遺音  
荒丘鬻煙日過者動哀吟

羞懷仁熙諸相國

闕宮寂二隔塵寰松翠溪聲特地寒當日詞臣今卧  
三衣祇將衰淚滴毫端

豈曾決昔終安用容膝打頭還有餘莫罷朝昏無一  
幸陸咄其默與琴書

蒲薦寂宜松下坐籃輿恰好雨中乘紫霞洞口乳川

路記得曾尋一兩僧

牧隱詩藁卷之七

牧隱詩藁卷之七

戊午正旦後二日

天教牧隱子晚歲卧窮廬位列三重後年登五十餘  
許身憂社稷刻骨感詩書自信無他望素心金石如  
光祿頌宮醜承明啟直廬異恩漸分外舊典在吟餘  
獨阻朝正列痛脣觀歲書驅儼屏幃禮未識定何如

偶題

春花秋月足高游  
瓮牖前頭百尺樓  
但問好懷開與  
未人間何處不風流

詠竹

此君真箇是虛中冬笋淚班隨意通却被年二圖一  
醉書益山裏嘯生風

哭李左使

鐵城門闕盛公獨擅朝儀慷慨傾千古風流蓋一時  
尚書參省事元帥判戎機病客令衰甚准然自詠詩

讀漢史

吾道多迷晦儒冠抱冷客子雲殊寂寞伯始自中庸  
六籍終安用三章竟不從悠悠千載下重憶孔明龍

偶題二首

五緯聯奎色更齊天津橋上杜鵑啼江南自有埋金

地王氣浮空紫塞低

南北車書有老蒼望鄉臺上又斜陽無端白盡天涯  
鬢斷鴈黃雲轉渺茫

贈李浩然

強措病目讀韓文擬向殘年教子孫最是一篇原道  
在且從格物更焯温

遣興

江山渺二碧天低長嘯愁然日又西狂客謫仙曾解  
道漫郎迂叟自標題七賢枝曠傾王室三笑風流滿  
虎溪欲向商山魯四皓紫芝深處露淒迷

記忘

枕上哦成一二聯呼燈欲筆却茫然聰明自與年光  
逝興味猶兼道力全兩漢文章誰獨美三韓人物最  
多賢聊將耿々燈前意擁被高吟動遠天

遣興

飛黃不逐小黃門浮白須論太白文十二樓臺歲暮  
雨三千風月鷲春雲寸心自信難欺已餘力猶堪更  
事君舉世濁々誰具眼昂々野鶴在雞群

追憶金經有感三首

早達人多媿微忠主獨知病深難遽喜安甚却成危  
頃刻生他證晨昏謁太醫永思猶夢愕豈意及今時  
病來忘世事無問有親知冰榻暑將去松簷秋可疑  
起居憑僕僕壽夭付良醫憂患誠難處他時更念茲  
與世將誰語惟天肯我知身謀難造次病勢有危疑  
斤兩分司宰刀圭出典醫主息天地夫回首更沉思

幽居自詠

幽居足幽味山近樹層々日午簷水落更寒硯水凝  
酒樓思達士茶榻憶高僧遣興憑詩句揮毫滿剝藤  
讀孟齋先生松都八詠

益老文章迥出群馳烟走海勢云々松都八景字籠



盡只是巫山一段雲

晨興

晨興慵盥栉兀坐獨吟詩  
忘日銅鉉掛蒼冰玉簡垂  
精神依舊秀久要賀年遲  
尚喜扶衰病長謠祝盛時

新春

清晨濡翰欲裁詩長嘯微吟改  
又為警句忽生非力  
致幽懷自適有誰知  
天晴白日閭闔喜氣盈  
青春物像移須把新聲添樂府  
海東千古大平時

賀歲輪蹄鬧闌闌幽居寂  
夢初殘新春陡覺江山  
老境偏知日月閑  
象版朝衫塵數尺藥爐書架塵

三間病餘狂興全消未好句  
圓時喜滿顏

有感

窮冬吐冷蕊清絕唯梅花  
梅花亦俗態不肯來貧家  
却恐主人惡浼被冰雪  
葩主人頗知愧勉矣思無邪  
無邪之何處香動影橫斜

夜吟三首

經卷香灑冷似憎  
青燈半檠欲生冰  
誰知一點無塵處  
授受分明有孔曾

我是多生粥飯僧  
苦心清節蘼蕪冰  
吟風吸露應無累  
魚鳳烹龍却未曾

絕學無為一箇僧肯將餘力辨湯水功夫却在蒲團  
上薰水千山記我曾

古意三章章四句

雞既鳴矣東方明將翔將翔弋鳧鴈云誰之思彼美  
人或適其歸水未泮

雞二鴈旭日始旦湛二露匪陽不晞其虛其徐既棘  
止惠而好我携手歸

關二睢鳩在河洲駕言出游焉我憂愷悌君子神勞  
矣萬民所望歸于周

讀書

讀書如游山深淺皆自得清風來汝寒飛電動陰黑  
玄蚪蟠壘淵丹鳳翔八極精微十六字的二在曾臆  
輔以五車書博約見天則王風久蕭索大道翳荆棘  
誰知蓬牕底掩卷長太息

遣懷二首

古意沉二獨撫琴海山無事境弥深双鳧乘鴈寧多  
少別鶴孤鷺自古今最喜白雲埋谷口更邀明月到  
天心三韓近日文章盛誰數中朝老翰林

嶧岷三尺五絃琴奮曲新聲意自深最是高山與流  
水直從往古亘來今沙塵漠二吹雙鬢天地茫二共

一心獨愛杜陵詩語好草堂纖月落風林

人日

改歲臨初七半陰還半晴二陽初發達萬物向生成  
閭闔休祥集衣冠禮數精太倉頒祿闌香案謝牋呈  
內府金柱耀天顏日角明素餐臣等汗祝壽倍常情

自賦

峻級三重後殘圭五十餘才微慚俊傑渥異及迂踈  
丹穴飛雛鳳冰池躍鯉魚緬懷興禮樂永慨講詩書  
曙日輝殘雪寒烟動遠墟蓬牕殊寂寞矩步尚虛徐  
山郭餘荒畝江村倒弊廬甘心歌已矣絕意賦歸歎

最幸知天命看來却自如拙毫聊遣興硯滴凍蟄餘

朝吟四首

行年餘五十鬢髮漸星、屋角寒松碧墻隈老蒼青  
素塵棲竹簡雪水紀茶經清興朝來甚梅花照膽瓶  
長腰堪咀嚼雞口亦容與咄、無牛後陳、或鼠餘  
平生徒哺啜世事足歛歔只怕心中悶寧教腹裏虛  
野衲真虛蕩叅來一味禪索詩頻叩戶釋杖便登筵  
勸善文千卷旌功記數篇羊端餘力在分福滿人天  
雅懷何所寄高遊鳳飄、堂背冰猶疊山顏雪已消  
年來嘲自解老去隱誰招欲草重興頌朝廷政採謠

遣興二首

演迥鐘聲尚未鳴，擁衾危坐度寒更。一身衰病乾坤老，萬象森羅日月明。杵臼昔移存趙志，華封徒抱祝堯情。悠々今古無窮事，惹起詩腸作不平。

老大殊非少壯時，樂天知命復奚疑。地偏東極春寒甚，家近南山晚景宜。病骨欲蘇思妙劑，衰顏有喜得新詩。瀨修書札投黃閣，似我迂踈更是誰。

謝韓平齋携酒見過

上黨還朝日，東隣卧病餘。芳樽傾綠蟻，鮮食炙青魚。麤糲畏脂如截盤，堆味可書頰。然成知困有興，慙幽居。

即事

華刺紛相謁，柴扉靜不應。陰崖冰欲泮，陽谷日初昇。問歲呼田叟，求詩有野僧。傍村江路滑，踏雪記吾曾。

有感

今古悠々一笑同，龍疲虎困幾英雄。六朝文物埋金後，萬里旌旗破竹中。茅屋對山非異境，雲帆濟海有長風。由來出處關天意，抱膝高吟兩頰紅。

自賦

少年祛世惑，晚歲養心靈。東閣施行馬，西廕記聚螢。吟詩頭盡白，煉藥骨應青。漸似棲霞客，焚香祝聖齡。

書鄭贊成傳後

四日開金榜歸期季夏初門生聯冢宰宅相冠中書  
種善軒何豁燒香谷自虛憐花六出鼎肉照盤蔬

正月十二日雨忽記種瓜幽興動小圃在江  
城之句入直省中作也今二十四年矣而猶

未遂素懷尤增感嘆吟成一篇聊以自慰

鎮江春水蒲萄綠江上腴田枕江曲茅簷影在江水  
中屋上青山削如玉濛濛細雨暗前村農叟披蓑舞  
獨速開牕讀書意浩然天外何曾望鴻鵠偶然一起  
三十年双鬢塵埃深萬斛大范之山夢裏青五聖之

雲壘中白憶曾醉携野隱翁和舷放歌崖石裂入三  
古今一瞬爾獨詠新詩慰愁絕

讀詩遣興

收隱衰老睡不著呼燈哦詩側頭鶴苦思直欲搜  
冥又恐他年頰注脚不忍便教老姬解為是譏評增  
白俗從來詩道亦不易却愧長篇動成軸夫子刪詩  
豈無謂明一言蓋三百即知言志不在多舍矢期  
未中正鶴平生齒齋道根淺懶逐東風逞紅綠

遣興

吟味雖遺興講諫却閑詩祇怕心肝絕寧憂髮髮衰

江山春欲動門巷日初暹擬賦中和頌生逢樂職時  
有懷子安

放逐三年跡呻吟六載軀江山工賦詠藥物漫枝梧  
離合皆天定行藏足自娛悠々方寸地共是一唐虞  
鄭簽書携酒見過

挫敵時稱勇興儒世有文家門真積善風采獨離群  
珎饌堆方丈金鐘勸十分逃禪因放浪作傳記來雲  
傑筆俄成陣高談自却軍端知享餘慶共望樹華勛  
桃李連門巷葭莩接海濱親交承厚睦世德揖清芬  
拙語寧容讓長才未足云陶然成一醉高卧日將曛

晨興

夜如何又攬衣興聲色紛々似逐蠅酒滴小槽疑有  
雨月穿疎屋自為燈解講天闊鷹將擊伏櫪年深馬  
欲騰自信靜中能得處可憐虛老坐禪僧

即事二首

病軀多患不須論塵客頻々掩却門瓦片熨餘腰又  
痛茶芽洗後眼仍昏興來得酒寧辭滿老去觀書只  
自溫畢竟乘除將底用喜看新柳欲搖村

少日唯知畏物論懶投華刺向朱門病譜歲月如川  
逝吟對峯巒得雨昏好句忽圓殘半濕靈丹欲下酒

微温後今擬續歸田錄僻近城南却類村

雪

紛、詠雪幾千篇一句誰竹萬古傳蒨笠獨歸漁艇  
暮揚花愁殺酒樓天揚清却訝還投濁尚白寧教更  
草玄病骨恹寒深閉戶觀梅野興墮茫然  
謝氏曾題賦一篇至今獨步世相傳亂鬢上三千  
丈低濕城南尺五天煎茗欲澆心地赤對山難刮眼  
花玄詩腸冷極誰能識重憶騎驢益浩然

思鄉二首

鎮江一曲好烟波留滯京華歲月賒籬竹每思新

度梨曾記去無花但知藥物求堆案豈有文

湖家病裏有懷吟不盡青山隱、夕陽斜

汗流奔走想當年願養須張道力全病裏機關渾欲  
盡久聞膏火苦相煎翻雲覆雨無多日弄月吟風自  
一天畢竟閑忙都不管絕勝雲水學參禪

題益齋先生妙蓮寺趙順若石池竈記後

虛淨堂中老心清物自形兒嬉妙蓮社客過寒松亭  
乍見若神授久歲應地靈心涵水淡、口引風冷、  
笛向柯亭遇劍從豐獄呈古今同一轍千載揖清馨

書政堂記後

柳下惠之和伯夷乃是清子莫却執中然非樵也明  
聲利固酣夢山林亦偏情從容乃中道然後集大成  
異端豈足責永慨時靡爭何當坐樓上啜茶腸胃平  
哦成短長句千載為樓樂

奉懷息門益齋先生

益齋功德動天心餘事文章蓋古今  
裨自不卑登說苑攔應從樂冠儒林  
瑀戈古鼎關工篆流水高山猶  
撫琴從祀廟庭銘在隧史才惟愧之雄深

用前韵自詠

病不吟詩愁亂心數年長卧到于今  
東華舒嘯思彭

澤曲水流觴想茂林吹壁白波長對畫  
滿牕明月獨鳴琴箇中樂處誰能識  
短綆由來古井深

萬化皆從方寸心便知耀古更光今  
森嚴武庫連三部浩蕩詞源倒翰林  
和氏不逢三獻玉鍾期既遇一彈琴  
年來已罷紛華戟弊席門前雪更深

由來節物變人心記得秋容宛在今  
已遣狂風吹落葉更教斜日掛疎林  
深嫌北鄙為由瑟細想南薰入弄琴  
近日喜聞梅意動一枝春色十分深

泮宮送春丁膳肉

擊鼓齊班正五更百官袍笏祭春丁  
冕瑩的之明深



殿鐘磬泮、振大庭聖道九天懸日月皇猷萬古耀  
丹青汗流曾記參師席皓首何忘究一經

幽居即事

年衰昏目視病久減腰圍有夢纏生死無心管是非  
講師來問字禪客勸忘機寂々焚香坐終朝獨掩扉  
披隱先生病得開柴門雖設却常閑牢籠歲月清樽  
裏搬運江山素壁間松坡晚雨披圖畫石礫寒泉落  
佩環造物乘除終不負盡將清事慰衰顏

記舊遊僧舍

讀書餘隙好經過山寺高遊一半多便面風生僧語  
軟孱顏春動鳥聲和回頭陳迹渾如夢極目新愁祇  
作歌恠底滿腔無俗氣逐儒當日欲操戈

自詠

人物紛々共一途謾將門戶闔崔廬詩書未必皆君  
子卿相由來起匹夫松栢晚容當雪盛梧桐秋色未  
霜枯眼前物像森成列養得中和自決膚

即事二首

彭澤心為形後昌黎命與仇謀顏子如愚終日葦瓢  
陋巷清幽

誰愛青山偃蹇自憐幽草芽菲長嘯聲中細雨獨行  
影外斜暉

有感

保身當慎術處世要知幾至道多乖隔浮言雜是非  
感恩時或有知己古來稀禽鳥應相憶江頭一釣磯

春日即事二首

少年多病客晚歲一衰翁聞道形無外忘言味在中  
江山圍赤縣日月耀蒼穹又喜門前柳垂絲裊細風  
覓句將誰語敲門有客臨吟哦如有得剝啄已難尋  
雪意餘梅塢春光動柳林故山多笋蕨歸興浩難禁

春日憶山僧

久耐春寒甚柴門掩落暉狂風號夜半飛雪入春分  
水際生新菜山陰宿凍雲禪牕香一炷日夜壽吾君

獨立二首

卧榻容他鼾睡憑河尚自包荒獨立四方無外洪鈞  
氣轉陶唐神氣胚胎萬古天君幹轄四支獨立春  
風浩蕩始知非道可離

即事九首

山色關中更好溪聲夢裏猶清祇被塵緣汨沒垂頭  
負我幽情

明月時來時去滄浪有濁有清慨我平生觀物森然  
孔思周情  
酒興詩情跌宕天容海色澄清斷送一生光景功夫  
只在忘情  
造語駢驅逞巧諧聲清濁合和老我如今恍惚喜君  
自少婆婆  
平淡由來少味清新却是多姿斧鑿了無痕迹悠然  
採菊東籬  
陶寫情懷而已鋪陳功德則那老牧邇來無恙三月山  
盡日高歌

打破元無內外者來何有中間老牧從今豁達敲  
盡是清閑

一旦塵靈自足多生障礙皆空老牧從今豁達會通

明月清風

山色何勞排闥柳陰自可充庭老牧從今豁達逍遙  
天地清寧

有感

哦詩妙處自難言批點譏評欲透源數朵青山溪一  
曲竹籬茅屋柳營門  
詩書殘缺已多年誰料秦灰死復然福禍由來天所

之白頭詞客抱沈綿

江水冰消數尺深小舟撐去似穿林  
驥興樓上看明月借盡當年未足心

醉中自詠

駘蕩春光千萬里龍鍾客興兩三杯  
何須駕鶴揚州去忽得新詩自奪胎  
放曠却須存禮法交通未必合中庸  
書生局促雖然鄙倚市何曾學治客

短歌行

千仞鳳九淵龍自重不為塵世容  
遠逝深藏古所嘆桐花落地雲千重  
我生大平無苦辛縱橫馳走京華春  
君門深邃虎豹守通籍赫々皆要津  
不將奇策披琅玕虛名無計開天顏  
歸來高卧東海頭寅賓出日扶桑間

即事

清晨策馬欲尋春無賴詩情觸目新  
只是柳絲黃可愛萬花錦綉恐傷神  
地偏東極早逢春花柳依々又日新  
擬向殘生歌聖德每憑樽酒暢精神  
夢裏憶々又一春世人空嘆白頭新  
牧翁病起能詩

甚下葉風生似有神

病中

病中天地荷生成春入山村景倍明花幄欲開如引  
蝶柳絲初暗可厭鶯銀臺學士時相訪金谷佳人每  
自烹莫笑牧翁無伎倆剩裁詩句答昇平

春日

老去詩書有味閑來天地無涯又是青二白日何如  
素髮清時

春日乍晴又雨花枝欲開未開自是病夫狂甚幸籠  
天地詩材

敬老詩有序

稽竊念達尊三齒一德一壽一古今全者  
甚鮮而退老鄉里之難得也幸而身親見  
之宜聲於樂垂示將來是以不揆鄙拙七  
言八句各述盛德之萬一以寄景慕之情  
云

江陵崔相國

英名早望慶于門珥葉都堂斷國論年俯八旬身愈  
健位躋一品德孫尊江陵水石園喬木山寺風煙歷  
近村叔氏少公纔數歲白頭相對樂何言

晉陽河相國

白髮鴻樞躡峻嶽歷敷中外共推賢靈臺寺遠雲埋  
谷矗石樓高樹接天急管繁絃消永日幽蘭叢竹帶  
晴烟頭流山下真堪老回首扶疎祝萬年

西原崔相國

清心苦節老弥強共道長身是鐵腸物望巖廊宜柱  
石威聲柏府尚風霜青精老去非無飯綠野年來更  
作堂凋儻免郎吾契友義城迨遍白雲鄉

京山宋相國

回視陽坡逐後行當年聲價動公卿風儀蓋世今猶

壯詩語穿星老益清館閣盛時皆讓步樓臺好處盡  
題名神班更望龍頭會共說春來寂太平

自詠四首

少年游宦帝王州投紱歸來尚黑頭歲月崢嶸頻仰  
屋江山迢遞獨登樓亂餘事業閑為味靜裏功夫病  
是憂離暮有心吾已矣可知當日欲東周  
夜闌危坐數鳴鍾日上東山巖正容天命十分知五  
十大匡重拜到三重鷹然如見終何益卓尔弥高謾  
欲從自笑晚年餘力在却尋文苑學銅龍  
敢言知我是蒼天下學如今尚惜然病骨酸辛徒自

苦愁顏憔悴有誰憐青山當戶光如滴明月低蒼色  
更娟樓上白衣仙欲語順風蓮葉穩於舡  
魚來人物是天慳留得功名永不刊韓子古文唐北  
斗謝公雅量晉東山圍碁折屐情雖矯徒鱗開雲意  
自安誰識悠二千載下慨然興想輒忘食

憶甘露寺

一帶長江劫下流傍崖軒戶儘清幽散花午梵僧敲  
磬啜茗春吟客倚樓芳草淡烟連牧笛斜風細雨瀟  
漁舟分明記得城西路匹馬何時更獨遊

自詠二首

索詩來野衲送酒有隣翁短髮吟餘自衰顏醉裏紅  
牛行芳草雨鳥入落花風野興知天賦逍遙在病中  
養氣仍明道交脩自有時知行雖並進敬義必相持  
尚志須先立知天却始衰暮春風詠處童冠肯追隨

讀書

唐書欽處讀穆誓悔時尋風雨秦灰冷塵埃孔壁深  
黑雲收地面白日到天心寂愛仁山學青二  
是子衿

讀書

幽自風為雅王由雅列風之心自今古世道有汗隆  
草木皆蒙化鳶魚亦降衷思無邪一句誰識素王功

讀易

義文成畫豕河洛出圖書則象元無漏因重豈有餘  
六虛流動處三心覈研初洗盡心藏密清香湫屋廬

讀春秋

齟齬春秋傳精微筆削心百王模範在一字再三尋  
麟也表吾道鳳兮取德音悠二千載下有客淚霑襟

讀禮

火向狂秦滅書從小戴成雖然有瑕類動是得精英  
博約無餘蘊從容致太平方期魯一變翻三鳳凰鳴

獨夜八首

婦兒游勝境老病守窮廬尚喜精神秀從教齒髮疎  
平生聊爾耳畢竟定何如記得隨僧粥烟霞動木魚  
老教忘機久年來室似冰衆難方爛睡長夜欲殘燈  
但未清三業何曾落二乘游山春漸好幸有老烏藤  
鼎一吾將老悠一只此心江山宜獨往風月要清吟  
學豈友高鳳和應師展禽筆端春浩蕩紅綠遍詞林  
昨夜白雲來應從萬里歸今朝紅日出却向四山飛  
有影誰能伴無心世所稀者渠卷舒處祇是早忘機  
山堂寒夜永漸覺道情濃永釋湯鳴鼎雲移月在松  
相形固同氣同休却相容獨詠思無盡悲聲似砌蛩



人生貴適意吾亦愛吾廬有興將誰語忘懷却自如  
永消泉谷咽雪盡樹林疎台信幽懷熟無從賦子虛  
九夢官有占一死天所賦子在回何敢吾衰周不復  
精魄通幽明壽夭同仰俯深知無所禱惕若度朝暮  
陽崖春動盪陰壑雪糝糊車馬塵蹤絕鍾魚梵刹孤  
永懷尋水石晏坐度朝晡萬樹長松下明窓着病軀

病中吟

病中吟天地深頭上赫二日月臨精神自興草木秀  
孤芳耿々明叢林鳳鳥一鳴啾々群舞文遠矣何沉  
沉萬物有形即有理大極亦強令人尋兩儀四象變

無極只一隻兔宜沉潛調和整承輶生禍沾濡淋辱  
煩膏襟靈芽遠求至萬里祕方廣叩搜千金嗚呼及  
觀亦易耳汝自不力乃獸禽且請安心度朝夕夜氣  
自足消群陰上帝高居兵衛森

老馬行

日沉霧重夜如漆咫尺面墻行且跌軍機早定須及  
時欲止未能氣方結褒衣白髮一衰翁請釋老馬於  
其中端如越裳指南車街枚從之疾如風當時駿蹄  
搥逐電萬里血汗真珠紅許知伶俜瘦骨高於山頃  
刻與人成大功君不見太公八十時鷹揚歸馬華山

天下同

雜詠三首

御世無餘策因民在奉天  
節文奢儉禮斟酌抑揚權  
紙狹難容印衙單却省牋  
太平知有日萬物入陶甄  
自憐多疾病共道尚康強  
老境權情少新春和氣長  
玉雞方紀瑞金鴨正燒香  
頰向梨花月瓊筵倒羽觴  
朋友今餘幾郊原春半強  
新愁隨日出高家氣與春長  
月賞金波灑花弄白雪香  
從茲須秉燭遇興且傾觴

東山望途中

城南大畝俯窺時  
牆外平途往返掃  
兩箇野僧相問訊  
群山鳥自追隨  
有時騎馬官人過  
何處牽牛牧子歸  
自是郊居好風景  
岸巾高詠去來辭

憶家山

風聲細水溶溶帶月漁歌雜  
夜春獨向僧牕曾一宿  
佛燈明滅滿山松  
白沙村路雨絲絲  
蓴菜鱸魚正美時  
當日同遊今有幾  
感今懷古自生悲

即事

古往今來又此時  
悠悠身世竟何為  
江山信馬春吟好  
白雪留僧夜話宜  
假面弄餘童稚鬧  
濡毫題罷鬼

神和一團和氣無餘物釀作中和入小詩

追記入直禁中

禁直岩峩地寂嚴九天雨露濕朝衫  
丁東漏刻傾頭聽俗下文章信口占  
作醴割深思傳說又家功重憶  
巫咸素冷今日臣無比入夜孤吟月滿簾

自詠足履

舉趾須扶杖低頭似踏天有懷何不踈  
過興即如顛冰尊上深坐班行阻折旋  
何當春氣盛蹇步涉山川

詠雪糕

年來未敢厭羶腥但把清寒養性靈  
已喜瓊膏團

素月却疑玉霄落青冥輕於柳絮風生座  
冷似梅花水滿缸最愛天成無手澤飽餘和睡倚牕櫺

述古

創物功何遠因時制異初龍舟浮葉後象輅轉蓬餘  
世道今多變人心本自虛直須尋太素元氣尚扶輿

感事四首

省院權何重宵朋座不虛委她方退食絡驛更隨車  
讓坐誰居戶承歡欲食餘也年應念此芳草滿庭除  
生艱方擬植材大却成樗叢雜温平字為文考六書  
蟲魚聊尔耳驥鳳定何如天運由來香德、想亡初

新年來往少，卧讀古人書。利欲須先錮，浮華要再鋤。  
陰崖猶鴈雪，曉欲春蘇。拱李山村近，携家往結廬。  
清時誰欲隱，王我曾逢京市傳。更歎江天照夕烽，  
聞鐘知梵唄，敲枕聽隣春曉起。慵中掃方知道意濃。

即事

驕兒索紙欲何為，耳問濡毫我已知。不是真情明誑  
我，白慚方寸不能窺。

正月二十三日謝江陵廉使洪少尹惠葭

境內多靈藥，管中必舊儲。何須七年艾，最喜一封書。  
甘苦嘗來遍，調和用有餘。春風如返旆，史望願吾廬。

登東山

少年最狂妄，讀書真涉獵。老境倍衰遲，重理但翻閱。  
昏眼任生花，白髮慵大鑷。登山忘龍鍾，倚市瞻雄傑。  
浮雲忽嵯峨，群峯仍重疊。悠然消百憂，樂我好收拾。  
記游春桐漁父願來

正午潮迴散薄陰，扁舟一放碧江深。廣源殿下風初  
順，畢蓋山前日欲沉。已喜詩篇長作伴，况逢漁父似  
知音。祇今眼病頻追悔，夜讀殘書月滿林。

即事

春寒惻惻，歲華移掩戶。清香有叶思，尋履經丘流。憇

處吟風弄月太平時一生自重千金諾七字俄成八  
句詩畢竟渾如雲水袖肯祈身世管安危

即事

時行時止有經權自斷何煩更問天憤世擬申風伯  
訟安心恐墮野狐禪波搖竹葉類先纈雪伴梅花骨  
欲仙託取箇中消息好了無一點走塵緣

讀廣書

聖人端拱化當今天地無為德澤深稽古四篇雖紀  
事執中數語是傳心命從陽谷分義宅歌與熏風入  
舜琴此屋可封非力致只垂衣處要推尋

道興

世態忙中見天心靜裏知消歇無內外寂寞但撥宜  
物化誰逃數吾生自順時病餘非意少遇興即題詩

絕句

從今老眼更難青不犯梅花照膽瓶紅紫迷人宜  
醉却愁啼鳥喚人醒

自詠二首

久病仍將老情懷不復論行歲存大節語默動真源  
蠻觸曾聞戰未陳尚有村沽歌天地遠梅月政黃昏  
雀羅窮巷柳已搖春把筆題凡鳥敢門辱可人

萬憲明對雪  
集凡淨無塵  
快意翻書卷  
沉吟味更新

詠史有感

三墳五典久無傳  
剛定功夫遠勝前  
緬想唐虞舞干羽  
更尋湯武事戈鋌  
公羊清映春秋傳  
司馬豪留史記篇  
業削作經麟目出  
考亭綱目日行天

自詠

世事年來足是非  
寸心傾寫有良知  
後生可畏吾衰矣  
至道難聞子慎之  
雪盡江山天更淨  
春來門巷日初遲  
勾迴安樂窩中地  
牧隱如今只有詩

憶過遼野

憶昔經過處  
為今爭戰場  
天低連廣野  
樹老掛斜陽  
朔雪年來少  
熏風日漸揚  
誰知華表鶴  
千歲亦思鄉

有感

有嶽何嘗不降靈  
却嗟吾道獨零丁  
典章放失隨流水  
人物稀疏似曉星  
伯始中庸萬事理  
子雲清淨大玄經  
毫釐一謬應千里  
深謝齊公指日程

即事

古公走馬想采朝  
風果如新水滸  
邊卜得一家三十  
代定知歧鳳不因  
龍

對酒聞琴

長卷六

手來心地似安禪  
遇物應萬緣  
酒後狂懷難自  
禁  
琴中至趣有誰傳  
陽春白雪應無譜  
明月清風不  
用錢  
籟是病中參  
一貫只漸氣味尚如前

記辛丑冬丹山途中

長水登峻嶺  
永夜宿虛廳  
飯熟嘆無藥  
衾寒喜見星  
小兒眼爛瘦馬立伶俜  
曉向丹陽路  
雲開紫石屏  
旌旗翻樹杪  
酒饌列山亭  
刺史郊迎禮  
平生物望并  
輿情共怡悅  
國步向安寧  
老我驚衰白  
如今領汗青  
緬懷修日記  
筆弱竟難形  
朔山前郡李詳具公報聖

自讀亂道有感

壯歲狂懷慕立切  
當時赫二走群雄  
詩書禮樂重興  
後風月江山亂道中  
老去情懷天在上  
病餘身世日  
生東茂陵未必求遺草  
留與兒孫學乃翁

夜詠

渾家政酣夢長夜  
獨沉吟齒病連頭痛  
腰酸入骨深  
帖多舟復散  
術妙艾仍針  
枕上無窮意  
明二上帝臨

代書寄羅州吳判官

錦城春色早  
江岸欲殘梅  
一枝芳信到  
病目絕纖埃  
正月下濼得南來書  
因憶諸公  
無說長老

無說山人釋翰林相望海角幾年深梅花欲落春寒甚應向南牕盡日吟

康子野

老來豪氣未全除悔殺螢牕苦讀書好作碧油幢下客春風又是大平初

權吉夫

當日才名動搢紳至今詞苑播芳塵年過知命休官去獨向江山老此身

安勉同年

松亭門下早題名蓮寺橋邊更結盟幸是父兄俱健

在莫教鄉里便忘情

代書奉謝李同年得蓮

數年相別後一笑立談間忽得梅花信幽居雪滿山

即事

人物區分揔九派古來題品儘悠悠蓬頭蒿目非行恠掩顏箬言却處休須信朝廷今有道祇憑書史老忘憂人間突兀臨無地賴是充龍百尺樓

從來遇事有從違老去無心管是非擇里處仁須自重樂天知命與誰歸悠悠古意孤鶯操渺渺長空一鳥飛

卷之五

七



詠病中

世間衆苦政叢身動止全然付與人病婦灼肌呼佛  
再老奴流汗賽神頰易占姜瞽能輕斷祕術崔翁願  
自珍只有多生餘習在梅花詩興尚清新

偶題一首

正好金菡玩誠難逐句尋須溪評黠處果得古人心  
偶得多真趣沉吟失本情欲尋端的處池草又春生  
奉謝崔司空名公指時在義州

一方分巨鎮千里隱長城準擬扶衰病從容共太平  
春風生海岸臘雪照寒更寂喜高門慶能更有後生

紀聞二首

武帝岸憤見馬拔情名承露

霜露霑無外雷霆示大何威聲搖鴈塞妖氣卷牂柯  
殿上垂承露庭中引伏波東漸文化始包虎倒干戈  
周原春蕩宣室夜沉台賈明神道師文想鳳音  
風移三尺劍財阜五絃琴膚敏前朝士牛裾與馬襟

詠月二首

纖二曲似鈎皎明如鏡君子惡求初萬民所取正  
皎當天心纖豈天命小人難保終千載發孤詠  
指空弟子見訪

異端超世教盛饌慰寒生野果談餘爵官壺拜後傾

拙辭包不盡妙道固難名逸事誰能傳須憑敬隱錄

謝希顏送新粒

韭菜青二餅面黃朝昏細嚼味何長病中厚意難忘  
却况是秋風玉粒香

自賦

衰年又多病白髮照蒼顏禮絕朝廷上名傳雲水間  
綸音思潤色彩服尚爛斑已矣今無用何當返翰山

即事

紫薇名姓動當時自喜山僧不得知牧隱病餘來往  
少獨憐霞袖索題詩

即事

幸從老境得逍遙為是生逢舜與堯爛煮菜根宜病  
齒淨乾蔬菜裹長腰金盤羊酪空求飽錦帳鶯花苦  
見招鼓腹何曾知帝力似聞儀鳳舞韶蕭

引遠吟

年來病勢真無敵氣綫綿三度朝夕五十不稱五六  
字一日何曾忘一刻從來海屋有添籌十歲蟠桃安  
可得真從蟋蟀疑春秋圓象沉三肯徐棘逍遙齊物  
亦云強文鵬圖南六月息只今在殤即為彭齒以彭  
子如白黑造物乘除不負人人自背息須引屣歸來

能順父母心 釀出天和成天極 一朝有歸返真原 共  
裕子孫千萬億 即知方寸具大体 照四方來水潭 施

吟病齒

餘生多苦澁 病齒劇殘傷 編貝雖堪羨 飛梭要自防  
嚙津雷法好 漱石野情長 鵲笑誰能學 攻堅我自嚴  
全吞講策妙 細嚼菜非良 出納咽喉地 論功却擅場

君子秉素志三首

君子秉素志 耿々徒自知 冰霜方漸澆 閉戶哦清詩  
火冷筆尖凍 袖手時沉思 退深慮却淺 聚遠勢逾卑  
乃知亦喪志 學者當去之 悚然自痛責 况彼聲色移

君子秉素志 豈曰榮其身 經綸贊王化 德澤澤生民  
軒裳耀耳目 金玉迷精神 朝昏厭一味 方丈羅八珍  
素為居所移 氣盈驕賤貧 妻子共溫飽 誰知此情真  
君子秉素志 祇與天為徒 文章與政事 豈止寧吾軀  
出處諒非慮 永矢歌唐虞 翻然起吠畝 東帛馳天衢  
道行固不願 樂我方都俞 不合即徑去 紫芝亦是娛

自詠

寂々門庭雀可羅 狹中廷尉素渠何 樽前屢舞三年菜  
少塊上新聯 病後多消渴 長卿遺亂道 歸來靖節勤  
悲歌有時狂興難 叔袷白鳥誰馴萬里波

古風五首

處幽日未暮居歎聞乃章君看古來士按劍投夜光  
所以貴自重白駝食我場古風亦云遠賡歌想虞唐  
沉憂令人老松栢在高岡  
人心如良田玉脉如截肪禮耕義以種勃然苜蓿長  
聖人豈茫然天時自商當上下同一心君子須自強  
他年要食實且當勿助忘  
牧隱病莫興默坐呼彼蒼身輕久無累心滯自生香  
引逸荷帝力大哉日月光坦途直如矢步履玉聲鏘  
莫九曲坂古來車馬傷

百年半五旬童子可數之九十的是半乳我知者惟  
秉志沮金石吐言似蘭芝功名與富貴夜半潛相抄  
貞懷易詭計方矩成圓規  
夜氣接平旦清虛無纖塵唐虞方揖讓四兇危窺身  
皎日當午垂衣臨措紳乃何動私念回頭迹已陳  
漢唐務智力令人徒苦辛

即事

忽有新詩眼底生悠然野興十分清風吹急雨雲翻  
墨樹接遙天日掛鉞大雅遺音空入夢老年多病若  
為情人間俯仰無窮事笑殺區一月

讀騷自詠二首

上窮列缺下崢嶸  
超出無為却至清  
機賦大夫供帝  
笑相如真箇得虛名

語若無策向淵沉  
索隱題篇與鬼吟  
日月爭光丈夫  
志可憐班竹綠成林

詠梅

聞說梅花已半開  
有誰能送一枝來  
焚香危坐南窗  
靜記得相逢月下墜

和隱詩藁卷之七

